

NALUNAARUSIAQ
Nalunaarusiap imarisaa – imm. 2.

Perorsaanermik Ilinniarfik, Ilulissat, ilinniarnert avataaneersunit nalilerneqarnerat

Tyge Skovgaard Christensen Jóan Pauli Jóensen Anne Birgitte Hermansen

November 2020

IMARISAA

| | |
|---|----|
| ILINNIARNERIT ILINNIARFIMMI SINAACKUTAAT PILLUGIT OQAASEQAATIT | 3 |
| NALILIINISSAMUT PIGINNAATITSISSUT PERIAASERLU | 4 |
| NALILIINERMI SINAACKUTISSAT | 7 |
| NALILIINERMI TUNNGAVIIT - EQIKKAANEQ NALILIINERILLU PINGAARNERIT | 8 |
| NALILIINERMI TUNNGAVIIT - AALAJANGERSIMASUNUT OQAASEQAATIT INNERSUUSSUTILLU... | 20 |
| TUNNGAVIK 1 – ILINNIARNERIT – PISARIAQARTITAT NALEQQUSSUSERLU | 21 |
| TUNNGAVIK 2 – ILISIMASAT TUNNGAVIUSUSSAT | 28 |
| TUNNGAVIK 3 – ILISIMASATIGUT, PIKKORISSUTSIKKUT PIGINNAANEQARNIKKULLU NAATSORSUUTIGINEQARTUT | 35 |
| TUNNGAVIK 4 – ILINNIARNERMIK PILERSAARUSIORNEQ PIVIUSUNNGORTITSINERLU | 38 |
| TUNNGAVIK 5 – ILINNIARFIMMI PITSAASSUTSIMIK QULAKKEERINNINNEQ ILINNIARNERNILLU INERISAANEQ..... | 40 |
| TUNNGAVIK 6 – TAMANUT AMMASUMIK PAASISSUTISSIINEQ | 43 |
| TUNNGAVIK 7 – 2012-IMI NALILIINERUP MALITSIGISAANIK SULIAQARNEQ..... | 45 |
| TUNNGAVIK 8 – ILINNIARTUT NAAMMAGISIMAARINNINNERAT | 47 |
| INERNILIINERIT INNERSUUSSUTILLU | 48 |
| TAPILIUSSAQ 1 PI/SPS-IP NAMMINEERLUNI ARAJUTSINAVEERSAAGAI | 52 |
| TAPILIUSSAQ 2 SIULERSUISUT TAKORLUGAAT 2020..... | 55 |
| NALILIISUT | 58 |

ILINNIARNERIT ILINNIARFIMMI SINAAKKUTAAT PILLUGIT AALLARNIUTITUT OQAASEQAATIT

1. Perorsaanermik Ilinniarfik / Socialpædagogisk Seminarium (tullianiit PI/SPS-imik taaneqartassaaq) nunatsinni ilinniartitaanerni qitiusumik ilinniarfittut inatsisit tassunga atuuttut naapertorlugit aaqqissorneqarsimavoq.

PI/SPS nunatsinni Namminersorlutik Oqartussani, Naalakkersuisut ataanni, ilinniarfittut akuerineqarsimavoq, Namminersorlutillu Oqartussat inatsisaat, peqqussutaat aamma nalunaarutaat allallu akuerineqarsimasut tunngavigalugit ilinniarnernik piviusunngortitsisinnaavoq.

PI/SPS-i suliffissaqarfinni isumaginninnerup perorsaanerullu iluaniittuni inuusutissarsiuutinik ilinniartitsinernik annertunerusumik neqerooruteqartarpoq. PI/SPS-i tassani sinaakkusiunneqarsimasut iluanni aamma qaffasinnerusumik ilinniartitaanerit pillugit inatsit tunngavigalugu qaffasinnerusumik ilinniakkanik perorsaasutut atorfinissutaasinnaasumik bacheloritut ilinniarnernik neqerooruteqarsinnaavoq Ilulissani aamma Nuummi, Sisimiuni Qaqortumilu najugaq qimannagu perorsaanermik ilinniarnernik (matuma kingorna taaneqartassaaq *bacheloritut ilinniarneq*). Ilinniarnertit taakku bacheloritut ilinniagaq naligaat. PI/SPS-i aamma diplomimik allagartartaarluni ilinniarnernik neqerooruteqarsinnaavoq.

Ilinniarfiup ilinniarnertit piviusunngortittarpai ilinniagassanik, pitsaassutsimik qulakkeerinninnissamut il.il. aaqqissuussinerit taakkununga atuuttut iluanni.

Siulersuisut PI/SPS-imi qullersaallutik oqartussaapput, taakkulu ilinniarnertit ilisimasaqarfiinut piginnaasaqarfiinullu aammalu pitsaassusaannut, soorlu ilinniarnertit imarisaannut, ilinniarnernik nutaanik aallartitsinernut aamma ilinniartitaanikkut suliniuteqarnernut kiisalu ataatsimiititalianik pilersitsinernut aamma allanik ilinniartitaanermi suliaqarnernut Namminersorlutik Oqartussanut akisussaapput.

Siulersuisut Ilinniartitaanermut, Kultureqarnermut Ilageeqarnermullu Naalakkersuisoqarfimmut (IKIN) angusaqarnissamik isumaqatigiissusiortarput. Isumaqatigiissusiornermi ilinniartitaanermi pissutsit assigiinngitsut pineqartarput ilinniartitaanernut aamma inuiaqatigiit ineriartornerannut pingaaruteqartut. Isumaqatigiissusiornermi ilanngunneqartarput, ilinniartitaaneq qitiutillugu, pissutsit assigiinngitsut arlallit ilinniarfimmi avatangiisinut, attaveqatigiinnermut, kulturimik piginnaasanillu inerisaanermut kiisalu pitsaassutsimik qulakkeerinninnermut taassuminngalu inerisaanermut tunngasut.

Siulersuisut 2019-imi ukiakkut PI/SPS-imut, qitiusumik ilinniarniunera pillugu, nutaamik takorluukkamik nutaamillu periusissiamik suliaqarsimapput. Takorluugaq nalunaarusiami uani Tapiliussa q 2-mut ilanngunneqarsimavoq.

NALILIINISSAMUT PIGINNAATITSISSUT PERIAASERLU

2. Soorlu PI/SPS-imi ilinniarnernik naliliinissaq pillugu noqqaassummi naliliisunut nassiunneqarsimasumi saqqummiunneqarsimasoq, Naalakkersuisut aamma Ilinniartitaanermut, Kultureqarnermut, Ilageeqarnermullu Naalakkersuisoqarfiup (matuma kingorna: *Naalakkersuisoqarfik*) kissaatigisimavaat naliliisussanik piginnaasalinnik avataaneersunik pilersitsisoqassasoq: Nunat assigiinngitsut akornanni naliliineq aqqutigalugu ilinniarnernik akuersissuteqarnissaq siunertaralugu suliaqarnermik misilittagartoq ataaseq avataaneersoq, qaffasinnerusumik ilinniartitaanernik aamma ilinniarnernik qaffasinnerusunik immikkut ilisimasaqartoq avataaneersoq, perorsaaneermik ilinniarnernik taakkunanilu censoriusartunik immikkut ilisimasaqartoq avataaneersoq aamma PI/SPS-imi ilinniagaqarsimasunik sulisoqarnermik atorfeqartitaqarnermillu immikkut ilisimasalik.

3. Naalakkersuisoqarfimmit naliliineq pillugu suliaqarsimassut aallaavigalugu naliliisut naliliissapput.

PI/SPS-imi aamma Iisimatusarfimmi atorfinissutaasinnaasumik bacheloritut ilinniakkat pillugit maannakkorpiaq pisortatigoortumik suleqatigiittoqanngilaq, matumanilu naliliinermut sinaakkusiunneqarsimasut iluanni najugaq qimannagu perorsaaneermik ilinniarnernik aamma najugaq qimannagu ilinniartitsisunngorniarnernik naleqqiussinissaq tunngavissaqarsimannngilaq.

Suliaqarsimassut, naliliineq pillugu nalunaarusiap imm. 1-iani, taaneqarpoq.

Nunat assigiinngitsut akornannut/nunanut avannarlernut naleqqiussinnaaneq anguniarlugu naliliinerit Norgemi *Forskrift om tilsyn med utdanningskvaliteten i høyere utdanning* (tilsynsforskriften Kapitel 4, stk. 4-2), vedtaget af Nokut (2017)-imut aamma Islandimi *Quality Enhancement for Icelandic Higher Education* (2017)-imut sanilliunneqarput. Aammalu naliliinerit *Den danske Kvalifikationsramme for Livslang Læring* (2016)-imut sanilliunneqarput Bologna Kvalifikationsrammen (EQF 2008, allanngortinneqartoq 2018)-imut tunngatillugu suliarineqarsimasumut aamma European Standard & Guidelines (ESG 2015)-imut.

4. Naliliinermut piginnaatitsissummi ilinniarnernik naliliinissaq immikkut ilaatinneqanngimmat ilinniarnernilu atugassarititat aamma illutatigut sinaakkutit nunamilu immikkoortut assigiinngitsut iluanni ingerlatsisoqarmat naliliisut aalajangerpaat ilinniarnernik pissutsit assigiinngitsut *toqqaannartumik* nalilerneqassanngitsut ilinniarnernik piviusunngortinneqarneranut pingaaruteqartut, soorlu illutatigut atortorissaarutit aamma isumalluutit, aammalu aalajangerlugu ilinniarniunera iluani aqqiussuussaaneq aamma allat tapertassatut ingerlanneqartut *toqqaannartumik* nalilerneqassanngitsut. Naliliinerilli taamatut ittut Tunngavik 2-mut

“Ilisimasassat tunngaviusussat”-nut aamma Tunngavik 5 “Ilinniarnermi pitsaassutsimik qulakkeerinnineq ilinniarnernillu inerisaaneq”-mut ataatsimiititaliap isumaliutai naliginnaasumik ilaatinneqartarput.

5. Kiisalu naliliisut aamma inatsisitigut malittarisassat nalilinnigilaat, PI/SPS-ip ilinniarfittut periarfissaanut tunngassuteqartut aamma maanna nunatsinni nunallu assigiinnigitsut akornanni pingaartumik qaffasinnerusumik ilinniartitaanerit pillugit suleqatigiinnermut tunngassuteqartut.

6. Naalakkersuisoqarfiup peqqusineratigut *Imminut nalilerneq* PI/SPS-imi pisortanit sulisunillu ingerlanneqarsimasoq aallaavigalugu naliliisoqarpoq. Imminut nalilerneq uppersaataissallu ilanngunneqarsimasut nalunaarusiamiipput, taakkulu tamarmik kattunnerisigut naliliisut suliaannut, innersuussutaannut aamma inerniliinerannut tunngaviullutik.

Imminut nalilerneq pillugu nalunaarusiaq aamma ilanngunneqartut *uppersaatait* immikkut ilisimasallit naliliinerannut aallaaviusimapput, inernalugulu *naliliinerneq nalunaarusiamut* missingiut, ilaneqarluni itisiliilluni *apeqqarissaarnikkut misissuinerneq* naliliinerneq qulequtarineqartut pillugit. Akissutit *ilinniarfimmik tikeraarnissamik* piareersarnermi ilaatinneqarput, ilinniarfimmillu atororissaarutinik takuniaanerme pisortat, sulisut ilinniartullu kiisalu atuisut atorfinitsitsisartullu aallartitaat apeqqarissaarfigineqarput. Taamatut ilinniarfimmi ilinniarnerni ilinniartuusarsimasunik atuisut atorfinitsitsisartullu aallartitaat apeqqarissaarnermi peqataatinneqarput.

Ilinniarfimmik tikeraarneq apeqqarissaarnerillu pereermata taakku misissoqqissaarneri inaarutaasumik nalunaarusiassatut missingiummut ilanngunneqarput, taannalu PI/SPS-imut *tusarniaassutigineqarluni*. Ilinniarfimmik tikeraarneq aamma Savalimmiuni Universitetimi ilinniartitaaneq pillugu ilisimatuu *ilinniagaqatigiittut nalileereermata* inaarutaasumik nalunaarusiaq naammassineqarpoq.

Naliliinerup pisortani ingerlatsinerne atorineqarnissaata ilutigalugulu nakkutilliinerne annertuumik aamma atorineqarneqarnissaata isumaqarnerup saniatigut ilinniarfiullunilu ineriartorneruvoq, suliaassallu piareersarneqarsimallutik PI/SPS-i malinnaasinnaangorlugu, pimoorussilluni suleqataasinnaangorlugu suliaassanullu iliuuseqarnermigut ilanngussaarsinnaangorlugu. Pimoorussineq ilinniarfiup iluani *nangitsinerneq malitseqartinneqassaaq* naliliinerne nalilersuinerit innersuussutillu ukkataralugit.

Nunatsinni ilinniartitaanerme naliliinerne aalajangersimasunik malittarisassanik aalajangersaasoqarsimannngimmat imaluunniit taakkununga najoqqutassiortoqarsimannngimmat naliliisut pisariaqartissimavaat imminut nalilernerneq nammineerlutik najoqqutassanik pilersitsinissartik, qulakkeerniarlugu naliliineq inerneqassasoq *suliakkiissummilu* misissuinerneq apeqqutigineqarsimasut mianerineqarnissaat *aamma* naliliinerneq suliaqarnerup ilinniarfimmi pisortanut, sulisunut aamma ilinniartunut pingaarutilinnik ilinniarfiunera.

Kiisalu isiginiarneqarluarpoq naliliinermi ataqqineqassasut nunap immikkoortuisa, inuisa aamma ilinniarsimanikkut qaffasissusaata perorsaanermik ilinniarfittut akisussaaffeqarnerup PI/SPS-imut unammilligassaqartitsinera. Naliliinermi najoqqutassap ataqqiumavattaq akunnattoorfiit arlaqartut siusinnerusukkut nalunaarutini¹ allaatigineqarsimasut, taakkunani pingaartumik arajutsiniarneqanngillat nunatsinni ilinniartitaanikkut akunnattoorfiusartut, soorlu ajornartoorneq “Nunat assigiinngitsut akornanni malittarineqartussat imaluunniit Isumaginninnermi politikki”, ajornartoorneq “Eqiterineq imaluunniit siaruaaneq”, ajornartoorneq “Qallunaatut imaluunniit Kalaallisut”, ajornartoorneq “Ilinniakkamik taamaatitsineq imaluunniit “Ilinniagaqannginneq”. Taakkunani aamma ajornartoornerne allani PI/SPS-i inissisimavoq, tassanilu piviusumiilluni ilinniarfiup isumagisassani piviusunngortittussaavai.

Pitsaassutsimik qulakkeerinninnermi inerisaanermilu Europami malittarisassani (European Standards & Guidelines 2015) ileqqut imminut nalilernerne najoqqutassaliornermi najoqqutarineqarput.

Naliliinermi najoqqutassani ilanngunneqarput qulequttat assigiinngitsut, naliliinermi ataqatigiissitsinermut ataasioqatigiissitsinermullu iluaqutaasussat. Naliliinermi najoqqutassat nunat assigiinngitsut akornanni/nunani avannarlerni ileqqusut ataqqivaat.

¹ Nunatsinni inuussutissarsiutinik ilinniartitsinerni ilinniakkaminnik taamaatitsisarneq pillugu nalunaarussiaq. – ACE 2015

NALILIINERMI SINAACKUTISSAT

²Tullinguuttumi saqqummiunneqassapput ilinniarnert ilinniakkanut aaqqissuussinermit taaneqarsimasut taakkunanilu erseqqinnerusumik allaatigineqarsimasut. Matumani misissuinermit ilinniarnert pineqartut semesterinut immikkoortillugit misissorneqanngillat. Quppernerup ataani nalunaarsuinermit taamaallaat allanneqartarpoq ilinniarneq aamma ilinniakkamut aaqqissuussineq sorleq pineqarneris. Pikkorissarnerit aamma pikkorissaqqinnerit immikkut aalajangersimasumik taaneqarneq ajorput, taakkumi tamangajammik piffissap sivikitsup ingerlanerani sammineqartarmata, pingaartumillu imarisamikkut ilisimasassatigut tunngavitsik ilinniarnermi nalunaarsorneqarsimasumiittoq tigusarlugu, aamma PI/SPS-imi atorfilinnit ingerlanneqartarlutik. Kingusinnerusumiittoq imm. 45 innersuutigineqarpoq.

7. *Perorsaasutut sammivilimmik bacheloritut ilinniarneq* qaffasinnerusumik atorfinissutaasinnaasumik bachelorinnigorniarluni ilinniarnertuvoq ukiullu sisamaata affaanik sivilissuseqarluni (210 ECTS), bacheloritullu ilinniarnertut aalajangersarneqarsimalluni (EQF 6).

Atorfinissutaasinnaasumik bacheloritut ilinniagalik perorsaanermik ilinniagaqarsimasut suliffigisinnaasaat tamaasa atorfigisinnaavai. Ilinniakkamik naammassinnissimasoq kandidatitut aamma masteritut qaffasissuseqartumik ilinniagaqarnissamut piginnaasaqarpoq.

8. *Najugaq qimannagu perorsaanermik ilinniarneq* ukiuni pingasuni qaffasinnerusumik ilinniarnertuvoq semesterinullu arfinilinnut aalajangersarneqarsimalluni. Ilinniarnermut isernissamut isumaginninnermi ikiortitut ilinniagaqarsimaneq aamma sulinermik misilittagaqarneq piumasaqaataapput.

Ilinniakkamik naammassinnissimasoq perorsaanermik ilinniagaqarsimasut suliffigisinnaasaat tamaasa atorfigisinnaavai. Ilinniagaqarsimasoq bacheloritut aamma diplomitaarniarluni ilinniarnertut qaffasissuseqartunik ilinniagaqarnissamut piginnaasaqarpoq.

9. *Socialassistentitut ilinniarneq* ukiumi ataatsimi ilassutissamik inuussutissarsiutinik ilinniartitsineruvoq, *ilinniartorlu* perorsaanermik ilinniakkat iluanni qaffasinnerusumik ilinniarnertut ingerlaqqinnissamut pisinnaatitaavoq aamma ilinniartoq ilinniarnermigut perorsaanerup iluani piginnaasaqartut sulisinnaanngortarluni.

Ilinniakkamik naammassinnissimasoq perorsaanermik ilinniagaqarsimasut suliffigisinnaasaat tamaasa atorfigisinnaavai. Ilinniagaqarsimasoq bacheloritut aamma

² Ilinniarnertut aamma ilinniakkamut aaqqissuussinerit innersuunneqarput: Ulluunerani meeqqanik sullissinermit ikiortinnigorniarneq, Isumaginninnermi ikiortitut ilinniarneq, Socialassistentitut ilinniarneq, Najugaq qimannagu perorsaanermik ilinniarneq, Perorsaasutut sammivilimmik bacheloritut ilinniarneq, Diplomitaarniarluni ilinniarneq.

diplomitaarniarluni ilinniartitaanertut qaffasissuseqartunik ilinniagaqarnissamut piginnaasaqarpoq.

10. *Isumaginninnermi ikiortitut ilinniarneq* ukiuni marlunni tunngaviusumik ilinniarnesuvoq (inuussutissarsiutinik ilinniartitsineq) piffissanut tallimanut immikkoortortaartoq.

Ilinniakkamik naammassinnissimasoq perorsaanermik ilinniagaqarsimasut suliffigisinnaasaat tamaasa atorfigisinnaavai. Ilinniarsimasoq isumaginninnerup iluani perorsaanermik sammisaqartitsinermilu suliaqarsinnaavoq akisussaaffeqarsinnaallunilu perorsaanerullu iluani suliaqarsinnaalluni. Ilinniarsimasoq socialassistantitut ilinniarnermut ingerlariaqqinnissaminut piginnaasaqarpoq.

11. *Ulluunerani meeqqanik sullissinnermi ikiortinngorniarneq* inuussutissarsiutinik ilinniartitsineruvoq sivikinnerusooq, arfinilinnik immikkoortortaartoq qaammatinullu qulingiluanut pilersaarusiorneqarsimasoq.

Ilinniakkamik naammassinnissimasoq ulluunerani paaqqinnittarfinni atorfinissinnaavoq. Ilinniarsimasoq perorsaanerup aamma isumaginninnerup iluani sulinissamut piginnaasaqarpoq perorsaanerup iluani ilinniarsimasut allat suleqatigalugit. Ilinniarsimasoq isumaginninnermi ikiortitut ilinniarnissaminut piginnaasaqarpoq.

12. *Diplomimik allagartartaarluni ilinniarnarit* qaffasinnerusumik ukiumi ataatsimi ilinniarnarupput (60 ECTS), immikkoortunut aggorneqarsimasut ukiumullu marlunnut aaqqissuunneqarsimasut (EQF 6).

Ilinniagaqarsimasoq perorsaanermik ilinniagaqarsimasut suliffigisinnaasaat tamaasa atorfigisinnaavai. Ilinniagaqarsimasoq kandidatitut aamma masteritut qaffasissuseqartumik ilinniagaqarnissamut piginnaasaqarpoq.

NALILIINERMI TUNNGAVIIT - EQIKKAANEQ NALILIINERILLU PINGAARNERIT

Siullermik misissuinerit ingerlanneqarsimasut aallaavigalugit qulequttat naliliinermi sammineqartut ataani eqikkarneqarput, tulliatullu naliliisut misissuinerminni naliliineri pingaarnarit ataatsimut isigalugit imminut nalilersuineq, skematigut akisassanik apeqqarissaarnerit, apeqqarissaarnerit kiisalu ilinniarfimmuut tikeraarneq tunngavigalugu (imm. 13-36).

Nalunaarusiami immikkoortumi kingusinnerusumi naliliisut itisiliillutik aalajangersimasunut oqaaseqaasiorput ilinniartitaanerit aamma ilinniakkanut ilinniartitaanernillu aaqqissuussinerit pillugit imminut nalilersuinermiittut, uppersaatiniittut kiisalu suli allani paasissutissanniittut aamma apeqqutini naliliisunit apeqqutigineqartunut nassuiaanermiittut paasissutissat annertunerit misissornerisigut. Nalunaarusiaq naggaserneqarpoq ataatsimut naliliinikkut kiisalu

PI/SPS-imut ilinniartitaanernik suliaqarneq pillugu innersuussusiornikkut (imm. 37-83).

Eqikkaanermi matumani eqqarsaatit pingaarnerit naliliisut oqaatigaat, naliliisut naliliinerinut aamma inerniliinerannut pingaaruteqarsimasut.

13. Imminut nalilerneq tulleriarluakkamik ataqatigiissumillu imaqarniliugaallunilu allanneqarsimavoq, takuneqarsinnaallunilu 2019-imi suliniutit nutaat amerlasuut suliarineqarsimasut, soorlu ilinniartitaanernik, ilisimasanik tunngaviusunik, piffimmi suleqatigiinnermik, suleqatigiinni suleqatigiinnermik, inerisaanermik suliniutinik ilinniartunik peqataatitsinermik inerisaaneq. Suliniutit taakku tamarmik takuneqarsinnaapput ilinniartitaanernullu isumaqarluarlutik. Naliliisut paasivaat pisortat aamma sulisut ukiuni kingullerni naliliinerit, politikikkut piumasaqaatik, pitsaassutsimik qulakkeerinninnerit il.il. kingunerisaannik iliuseqarsimasut, inerisaanerillu pingaarutillit aallartinneqarsimasut.

Ilinniarnert ilinniakkanut aqqissuussinerni allaaserineqarluarsimapput kiisalu ilinniarneq aamma sungiusarluni sulineq pillugu quppersakkani, ilinniartullu taakku aqutugalugit pitsaasumik ilisimatinneqartarput.

Imminut nalilersornerup, uppersaatait tunniunneqarsimasut aamma apeqqutinik arlalinnik itisilerilluni akissutigineqarsimasut akissutaannik misissuineri naliliisut paasivaat ilinniarnert pitsaassusaannik qulakkeerinninnissaq aamma taakkuninnga qaffatsitsisussanik ilisimasaqarfiit avatangiiseqarluarnissaat taakku tamarmik alaatsinaanneqarluartut. Naliliisut aamma paasivaat, ilinniakkanut aamma ilinniarnert aqqissuussinerit aallaatigineqarneranni suliniutinik arlalinnik imaqartut qaffasissumik ilinniarnermi killiffeqarnissamik qulakkeerinnittussanik kiisalu ilinniarnert anguniagaanik siunissaanillu aalajangiussisussanik aamma ilinniarnert suli ineriartornissaannik qaffasinnerusumik bacheloritut ilinniarnertut Ilulissani ilinniarnert sinaakkutaasa iluanni aamma inuussutissarsiuutinik ilinniartitsinerni (ilinniakkat allat) aamma nunatta sinneraniittuni immikkoortortani ilinniarnerni.

14. Pitsaassutsimik qulakkeerinninnissamik pingaartitsinerup ilinniarnert sulinerit sinaakkutinngortinneqarsimanera naliliisut iluaraat. Nunat assigiinngitsut akornanni pitsaassutsimik qulakkeerinninnermi periaatsit, Europami pitsaassutsimik qulakkeerinninnermi aamma inerisaanermi malittarisassani aalajangersarneqarsimasut, tassani pingaartinneqarluatik ersersinneqarnerat pingaartuuvoq.

15. Ilinniartitsisut piginnaasaannik ingerlaavartumik annertusaaneq pingaartinneqartoq aamma naliliisut paasivaat, tamannalu ilinniakkamut aqqissuussinerit naapertorlugit ilinniartitaanerit piviusunngortinneqartarnerannik tamatigut kinguneqartarpoq. Tassunga peqatigitillugu ilinniartitsisunik nutaanik piginnaasaqarluartunillu ilumoorullugu atorfinitsitsiniartarneq uppersarneqarpoq.

Pissutsit taaneqartut tunngavigalugit naliliisut nersorinninnertik oqaatigerusuppaat, naak taakkununga inatsisitigut aalajangersagaqanngikkaluartoq imaluunniit

ileqqunik malitassaqaanngikkaluartoq, naliliisunut pingaartutut isigaat taakkulu nalilersuinerminni ilaatissimallugit.

16. PI/SPS-imik siornatigut naliliineq (2012) ilaatigut aallaavigineqarpoq, tassanili ilinniarfimmi atorfinissutaasinnaasumik bachelorinngorniarnermik ilinniagaq aamma ilinniakkamut aqqissuussineq (ilinniakkamik misileraalluni) alaatsinaanneqarluni. Naliliisut, siumut isummereerluni suleriaaseqarneq pinngitsoortinniarlugu, ilinniakkamut ilinniartitaanernullu aqqissuussinerit tamarmik ataatsimut nalilerneqarnissaat, immikkullu bachelorinngorniarnarluni ilinniarneq pillugu oqaaseqaateqarnissaq pisariaqaraangat, toqqarsimavaat.

PI/SPS-imi ilinniartitaanerit pitsaassusaannik naliliinerit pingaarnertut alaatsinaanneqarput, tak. Europamiunut 'Standards & Guidelines' for kvalitetssikring og –udvikling (ESG 2015).

Naliliisut taamatut alaatsinaataqarlutik naliliinermi tunngavissat arlallit aalajangersorpaat. Quppernerup ataani nassuiaatini European Standards & Guidelines innersuussutigineqarput.

17.³ *Tunngavik 1 – Ilinniarnernit taaguutaat aamma sulinermit attuumassuteqarnerat.*

Inatsisini ilinniakkamullu aqqissuussinerni, ilinniarnernit tamaasa immikkoortillugit, siunertat aamma ilinniakkanik naammassinninnermi piginnaalerneqartartut allaaserineqarsimapput. Perorsaanermik suliap ataani atituumik atornissaat naleqqupput.

Soraarummeernerup naammassinerani, ilinniartitaanermut inatsit naapertorlugu, ilinniakkamik naammassisaqarnermi ilinniarnermut uppersaammik tunniussisoqartarpoq.

18.⁴ Sulinermit attuumassuteqarneq ilinniarnernut, inuussutissarsiutinik ilinniartitsinernut imaluunniit qaffasissumik ilinniartitaanernut tamanut pingaaruteqarpoq.

Taamatut naliliinermut tunngaviupput ilinniakkanut aqqissuussinerit, ilinniakkamut aamma sungiusarluni sulinermit atuagaaqqat pigineqarpata taakkununnga suliarineqarsimasut taakkununnga uppersaataitullu ilanngunneqarsimasut. Kiisalu misissuinerit arlallit aamma nalunaarusiat taamatut naliliineq tunngavilersorpaat.

Ilinniarnernut ilanngunneqarsimavoq eqaassuseq, taamaalillutik teorii aamma sulineq sunneeqatigiissillugit piviusunngortinneqarlutik. Taamaaliornikkut perorsaanerup iluani sulinermit tunngavissat ilinniarnernit ukiunut atuuffimminnut naleqquttuunissaat

³ European Standard & Guidelines 1.2

⁴ European Standard & Guidelines 1.2

aamma suliffeqalernissamut periarfissat qulakkeerneqarput – qaffasissutsini assigiinngitsuni – ilinniakkamik naammassinnissimasunut.

19. Ilinniartunik nangitsisumik PI/SPS-ip malittarisaqartarnerata, pikkorissaanerit aamma piginnaasaqalernissanik neqeroorutit pillugit atuisunik atorfinitsitsisartunillu oqaloqatigiinnertigut kiisalu avataaneersunit misissuinerit arlaqartut aamma nalunaarusiat takutippaat, ilinniarsiup pisortai sulisuilu atuisut aamma atorfinitsitsisartut kissaataannut pisariaqartitaannullu akuersaartuusut.

Inuussutissarsiutinik ilinniartitsinernik qaffasinnerusumillu ilinniartitaanernik soraarummeerlutik ilinniakkanik aammalu ilinniarsiup pikkorissaanerinik naammassisaqarsimasut amerlanerit ulluunerani paaqqinnittarfinni aamma ulloq unnuarlu angerlarsimaffinni perorsaaneermik naleqquttunillu suliffeqarput – ilaat suliffeqarfinni pisortatut atorfeqalersimallutik, soorlu aamma allat kommunini perorsaaneerup iluani pinaveersaartitsinermik suliaqarlutik imaluunniit siunnersortitut suliaqarlutik.

Suliffiit assigiinngitsorpasuit atorfigineqartarmata tamanna ilinniarnernut, pikkorissaanernut aamma pikkorissaqqinnernut/ilinniaqqinnernut unammilligassanik annertuunik nassataqartarpoq.

20. PI/SPS-imut siulersuisut ilinniarnernit pitsaassusaat alaatsinaappaat aamma suliffeqarfiit pisariaqartitaannut aamma piumasaqaataannut ingerlaavartumik qanoq akuersaartoqarsinnaanersoq, aamma siulersuisut arajutsinaveersaarpaat ilinniarnernit inerisaanissamut periusissiaat, sungiusarluni sulinerup piviusunngortinnissaa pitsaassusiatalu qulakkeerneqarnissaa. Siulersuisut ilinniarnerni ilinniartussarsiorerit malinnaaffigisarpaat taamaalillutillu siunissami kommunini aamma illoqarfinni perorsaaneermi sulisut malinnaaffigisarlugit.

Naliliisut nalilerpaat PI/SPS-imi Siulersuisut aamma pisortat alaatsinaatarigaat ilinniarnernit tunaartarisamikkut aamma imarisamikkut suliffeqarfinnut tulluartaunissaat, aamma ilinniarnernit aamma pikkorissaanerit neqeroorutigineqartartut atituut nunatsinni inuiaqatigiit ineriartornerannut pingaartuunissaat.

Taamaattumik ilinniarnernit pikkorissarnernik aamma ilinniarsimanngitsumit atorfinissutaasinnaasumik bacheloritut qaffasissuseqartunik ilinniarnernik pisariaqartitsinerat atituumik isumagiarneqarpoq. Ilinniarfimmi aamma najugaq qimannagu ilinniarnikkut nunami sananeqaatimigut, kulturikkut ilinniarsimassutsikkullu assigiinngeqisumi ilinniarnernit piviusunngortinneqartarput, PI/SPS-illu tamanna suliasaq iluatsilluartumik isumagisimagaa naliliisut nalilerpaat.

Ilinniarnernit misissorneqarsimasut killiffimmit appasinnermit qaffasinnermut suliffeqarfinnut naleqquttuunerat, perorsaaneerup aamma

isumaginninnerup ataaniittunut, naliliisut aamma nalilerpaat, tamannalu siornatigut misissuinerni⁵ aamma uppersarsineqarsimavoq.

21.⁶ *Tunngavik 2 – Ilisimasat tunngaviusussat.*

Uppersarsaatini aamma nalunaarusiami ilisimasat tunngaviusut nalinginnaasumik pitsaasumillu saqqummiunneqarput, tassani allaatigineqarput atuagaateqarfik, atuagaateqarneq, IT-p aqqissuunneqarnera ikiorsiinermilu atorneqartartut, inerisaanernut ilisimatusarnermullu atassusiineq nunallu iluani aamma nunat assigiinningsut akornanni suleqateqartarneq, ilinniartitsisut ilinniakkamikkut tunuliaqutaat qaffasissusaallu, misilittagaat piginnaasaallu, kiisalu piginnaanngorsarnermut atorfinitsitsisarnermullu periusissiat.

Piginnaasatigut ineriartortitsineq, inerisaanermik ilisimatusarnermillu suliaqartunut attaveqartoq, pingaartumik qaffasinnerusumik ilinniartitaanernut bacheloritut qaffasissuseqartunut iluaqutissatut aamma ilinniartup perorsaasutut piginnaasaqarluartut sulinermini ingerlaavartumik piukkunnarsartuarnissaanut naatsorsuutigineqarpoq.

Sinaakkutigineqartut iluanni ajornanngitsillugu ilisimatusarnermut atassusiinissamik siunertaqarneq akuersaarnarpoq. Maannakkuugallartoq bacheloritut ilinniarneq aamma bachelorinnngorniarluni soraarummeerutissamik suliaqarneq tassaapput ilisimatusarnermut atassusiinissamik pisariaqartitsiffiusut.

Bacheloritut qaffasissusilimmik ilinniarnermi ilisimatusarnermik inerisaanermillu tunngavilinnik ilisimasani tapertaqarnissamut atuisinnaanissamullu ilinniartut piginnaasaqalernissaat siunissami perorsaasutut sulinermini iluaqutissatut naatsorsuutigineqarpoq.

Ilinniakkamut aqqissuussinermi allaqqavoq perorsaasunngoriarluni ilinniarnermi ilisimatusarneq pillugu teoriinik ilinniartitsisoqartartoq anguniarlugu ilinniartup malinnaasannaanissaa, atuisinnaanissaa aamma peqataasannaanissaa misileraalluni, inerisaalluni aamma ilisimatusarluni suliaqarnerni perorsaanerup iluaniittuni.

Ilinniartitsisut nalinginnaasumik ilinniarnikkut piginnaasatigullu tunuliaqutaqarput, ilinniarnernit iluaniittunik suliaasani isumagineqartussaniq tigusinissaminnut. Ilinniartitsisunut ilaapput ilinniartitsisut kalaallit oqaasiinik piginnaasaqartut kalaallilu kulturiannik piginnaasaqartut, aamma avataaneersunik piginnaasaqarluartunik ilinniartitsisoqarpoq ilinniartitsissutini ilisimasaniq isummanillu allaniq pingaartunik tunniussaqaarsinnaasunik, taakkulu ilisimasut isummallu inooqatigiinnut ilanngukkiartornermik perorsaanermillu kulturikkut paasinninnermut atuuttumut peqataatinneqarsinnaasariaqarput.

⁵ Isumaginninnerup iluani ilinniarnerni suliniutit, Epinion 2019.

⁶ European Standard & Guidelines 1.5 & 1.6

Kalaallisut qallunaatullu ilinniartitsisoqartarpoq. Najugaq qimannagu ilinniarnerni ilinniartitsineq kalaallisut ingerlanneqarnerusarpoq, najukkamilu ilinniarnernit naammassineqartarnerannut tamanna pitsaasumik sunniuteqartarluni.

Ilinniartitsisut piginnaasaannik ineriartornissaq avataani ilinniaqqinnikkut aamma ilinniarfiup iluani piffissami aalajangersimasumik ilinniagassani qulequtaqarluni ulloqartitsisarnikkut, aammalu ilisimasanut iserfissanik, IT-mi ilisimasanik avitseqatigiinnermi atortussanik, atuagaateqarnikkut initigullu isumalluuteqarnikkut, nunat assigiinnigitsut akornanni suleqatigiinnikkut ilisimatusarnermullu atassusiinnikkut inerisaanikkut ukkatarineqartut naliliisut nalilerpaat.

Aamma naliliisut nalilerpaat inerisaanernik aamma ilisimatusarnermik suliaqarnermi ilinniartut peqataatinneqartarnerat bachelorinnngorniarluni soraarummeerutissamik suliaqarnermi perorsaasutut ilinniarnermi tamanna atuutilersimasoq.

22.⁷ *Tunngavik 3 – Ilinniarnerni ilisimasatigut, pikkorissutsikkut piginnaaneqarnikkullu naatsorsuutigisani anguniakkat.*

Ilinniarnerni anguniakkat ilinniakkamut aqqissuussinerni, ilinniakkanut aamma sungiusarluni sulineq pillugu quppersakkani allanneqarsimapput, ilinniarnerrillu pilersaaruserneqarnerat aamma piviusunngortinneqarnerat, qaammatinik 9-nit ukiut sisamaata affaanik ilinniarnissamik sivilisuseqartunut, ataqatigiissumik qaffakkiartuaartumillu takussaasunik anguniagassanut aamma ataqatigiiaartunik ilinniarnermi najoqqutassanut aqqinneqarsimapput. Suleriaatsit aamma ilinniartitseriaatsit taaneqarsimasut naleqquttut, misilerarneqarsimasutut isumaliutigillugaasutullu nalilerneqarput ilinniartitsissutini ataasiakkaani/qulequttani ilisimasatigut, pikkorissutsikkut piginnaaneqarnikkullu naatsorsuutigisani anguniakkat anguneqarnissaannut.

23.⁸ *Ilisimasatigut, pikkorissutsikkut piginnaaneqarnikkullu anguniakkat ilinniakkanut aqqissuussinerni ilinniakkap imarisaani, sannaani aamma siuariartornerani paasinartumik ataqatigiissumillu allaatigineqarsimapput, naleqatigalugillu Europami naalagaaffinnilu ataasiakkaani qaffasinnerusumik ilinniartitaanerni ilinniarnernit qaffasissusaat ilinniarnermilu ilisimasassatigut, pikkorissutsikkut piginnaaneqarnikkullu naatsorsuutigineqartut aamma qaffasinnerusumik ilinniartitaanerit qaffasissusaannik aalajangiussilluni allaatigisat.*

Naliliisut nalilerpaat ilisimasatigut, pikkorissutsikkut piginnaaneqarnikkullu naatsorsuutigineqartut anguniakkat ilinniakkanut

⁷ European Standard & Guidelines 1.4 & 1.6

⁸ European Standard & Guidelines 1.2

aaqqissuussinerni ilinniakkap imarisaani, sannaani siuariartorneranilu allaatigineqarsimasut paasinartumik ataqatigiissumillu.

24.⁹ *Tunngavik 4 – Pilersaarusiorneq piviusunngortitsinerlu kiisalu ilinniarnerni ilinniartitseriaatsit suleriaatsillu atorneqartut.*

Taakku pissutsit pingaaruteqartut ilinniakkanut aaqqissuussinerni ataasiakkaani taakkunanilu ilinniartitsissutini/qulequttani sammineqartussani assigiinngitsumik oqimaalutarlugit aamma aalajangersimajuannanngitsumik allaatigineqarsimapput. Ilinniartitsinerit imarisamikkut sivisussutsimikkullu assigiinngissuteqarnerannik tamanna pissusissamisootumik kinguneqarpoq. Ilinniartitaanerni sivisunerusuni assigiinngisitaarneq annertunerpaavoq. Nalinginnaasumik, allaatigineqarsimasut aallaavigalugit, ilinniartitsissutini anguniakkanik allaatigineqarsimasunik pissarsiaqarnissaq naleqquttuullunilu tunngavilersorluagaavoq.

25. Inuusutissarsiordermut tunngassuteqartutut aamma piginnaasaqarluarluni perorsaanermik ilinniarnertut perorsaanermik, psykologiimik, sulinerimik aamma ilinniagassani ilisimasassanik ataatsimuulersitsilluni aaqqiisimaneq ilinniarnermi qitiuvoq. Qaffasinnersumik ilinniartitaanerni tamanna erseqqarinnerpaavoq.

26. Ilinniarnerni sisamanik pingaarnernik immikkoortortaqaqarpoq, sungiusarluni sulinerimik ingerlatsinerit allaatigineqarsimallutik. *Pikkorissutut sulinerimik sungiusarneq* ilinniarnernut pilersaarutini qitiusutut inissineqarsimavoq, ilisimasatigut, pikkorissutsikkut piginnaaneqarnikkullu naatsorsuutigineqartut pilersaarummi tamarmiusumi aamma ilinniagassani ataasiakkaani qulequttanilu isumaliutigilluagaasut naliliisut nalilerpaat.

Qaffasinnerusumik ilinniartitaanerni pingaartumik sungiusarluni sulineq nalinginnaasuni sungiusarluni sulinerimut aamma immikkut pisariaqartitsisuni sungiusarluni sulinerimut immikkoortinneqarsimavoq.

Sungiusarluni sulinerit inuiaqatigiinni avatangiiserisani pisariaqartinneqartut ilinniartut ilinniarsimasutut piginnaaneqalernissaannut tunngasut qulakkeerinneqataaffigisarpaat, ilutigalugulu ilinniartut teoriimik sulinerimillu taartigiittumik sammisaqartarput aamma ilinniartitsisut sulinerimik paasisimasaat ilinniartitsinerimik ullutsinnut naleqquttumik tunngaviusarput.

Sungiusarluni sulinerup saniatigut ilinniarnernit immikkut tamarmik ilinniartitsissutinik pingasunik katitigaapput: ilinniartitsissutit qanitariissut tassaasut pædagogik aamma psykologi, ilinniartitsissutit qanitariissut tassaasut inuiaqatigiilerineq aamma isumaginninnermi ilinniartitsissutit immikkoortut aamma ilinniartitsissutit qanitariissut kulturi aamma sammisaqartitsilluni ilinniartitsissutit tassaasut drama, nipilersorneq aamma sannavilersorluni ilinniartitsineq. Ilinniakkamut pilersaarummiittarput pinngitsoorani ilinniartitsissutigineqartussat perorsaanermi ilinniartitsissutit aamma qulequttat sammineqartussat, taakku paaqqinnittarfinni aamma atuarfinni sulinissamut ilinniartoq piareersassavaat.

⁹ European Standard & Guidelines 1.3

Ilinniakkamut pilersaarutit nalunaarpaat qulakkiissallugu ilinniartup inerikkiartornissaa aamma sulisutut ilinniarsimasutut paasisimasaqarnissaa, ilinniartitsissutini ilisimasaqalernissaa, sulisutut ilinniarsimasutut pikkorissuseqarnissaa aamma perorsaalluni sulinermi assigiinngitsunik qaffasissuseqartunik sulisutut ilinniarsimasutut piginnaasanik ilinniarnissaa. Piginnaasassatut allaatigineqarsimasut naammaginatumik imaqarput ilinniarnerrillu pillugit ilinniakkamut aaqqissuussinerni kingullerni anguniagassat allaatigineqarneranni ersersinneqarlutik.

Perorsaasutut sammivilimmik bacheloritut ilinniarnermut ilinniakkamut aaqqissuussinermi Danmarkimi atorfinissutaasinnaasumik bacheloritut ilinniarnermi ilinniarnerrit qaffasissusaat ilinniarnermilu ilisimasassat, pikkorissutsikkut piginnaaneqarnikkullu naatsorsuutigineqartut ilinniakkap naleqatigigai saqqummersissallugu pingaartuuvoq. Ilinniakkamut aaqqissuussinermiittuni ilinniartitsissutini aamma qulequttani ilinniartitsissutigineqartussani erseqqissisinnerput ilisimasatigut, pikkorissutsikkut piginnaaneqarnikkullu naatsorsuutigineqartut, naalagaaffimmi aamma nunat assigiinngitsut akornanni pikkorissutut perorsaasutut ilisimasat, pikkorissutsit piginnaaneqarnerillu.

Ilinniakkamut aaqqissuussinerni aamma ilinniarnermut quppersakkami sungiusarlunilu sulinermit quppersakkami ilinniarnerrit allaatigilluarneqarsimasut naliliisut nalilerpaat, taakkunanilu ilinniartut paasisutissilluarneqarlutik. Kiisalu suleriaatsit ilinniartitseriaatsillu naleqquttuupput aamma ilisimasatigut, pikkorissutsikkut piginnaaneqarnikkullu naatsorsuutigineqartunut tapersiilluarlutik atuuffissaminnilu naammaginarlutik.

Ilinniarnerni immikkoortuni ilisimasatigut, pikkorissutsikkut piginnaaneqarnikkullu naatsorsuutigineqartut allaatigineqarsimasut isumaliutigilluagaasut malunnartumillu Europami ilinniartitaanerit qaffasissusaat ilinniartitaanermilu ilisimasatigut, pikkorissutsikkut piginnaaneqarnikkullu naatsorsuutigineqartunut Danmarkimilu ilinniartitaanerit qaffasissusaat ilinniartitaanermilu ilisimasatigut, pikkorissutsikkut piginnaaneqarnikkullu naatsorsuutigineqartunut naapertuuttuusut, naleqqiussinissaq naleqquttuugaangat, naliliisut aamma nalilerpaat.

27.¹⁰ Soraarummeernerni aaqqissuussinerit allallu nalileeriaatsit ilinniakkamut aaqqissuussinerni ilinniartitsissutini/qulequttani ilinniartitsissutigineqartuni aamma ilinniartitsissutit/immikkoortukkuutaartut immikkoortuiniipput allanngorartumik. Angusat anguneqarsimasut uuttorniarlugit periutsit assigiinngitsut atorneqarsimasut pingaartumik allaatigilluarneqarsimapput tunngavilersorluarneqarsimallutillu, periutsillu toqqarneqarsimasut tulluurtuusut nalilerneqarput piffissani atorneqarfimminni aammalu ilinniarnerrit ataasiakkaat sivisussusaat aamma

¹⁰ European Standard & Guidelines 1.3

kulturikkut oqaatsitigullu atuuffii eqqarsaatigalugit. Ilinniarnerni ataasiakkaani naliliinermi periutsit assigiinngitsut atornerarneri nukittorsaatit nalilerneqarput.

Soraarummeernernik aqqissuussinerit aamma nalileeriaatsit tunngavilersorluagaasutut naliliisut nalilerpaat.

28.¹¹ Ilinniakkap ulapinnassusia ilinniarnerni pineqartuni amerlanerni ilinniakkamut aqqissuussinerni aamma quppersakkani skema atorlugu erseqqissarneqarpoq, tamannalu tunngavigalugu ilinniartunut ataasiakkaanut ilinniarnep ulapinnassusia ukiumi ilinniarfiusussami assigiimmik agguanneqarsimavoq.

Ilinniakkap ulapinnassusia naammaginaruutut naliliisut nalilerpaat.

29.¹² Ilinniarnep akuerineqarnissaannut piumasaqaatit uppersaatit aamma kisitsisit atorlugit nassuiaasiornep saqqummiunneqartut tunngavigalugit nalilerneqartut takutippaat nunatsinni Namminersorlutik Oqartussat malittarisassaat pingaartutigit malinneqartut soorlu qaffasinnerusumik ilinniakkamik bacheloritut qaffasissuseqartumi aamma ilinniakkani appasinnerusumik qaffasissuseqartuni.

Naliliisut nalilerpaat ilinniarnep akuerineqarnissaannut piumasaqaatit aqunneqartut ilinniarnep pitsaassusaannik qulakkeerinninnissaq aamma ilinniartut ilinniakkaminnik iluatsitaqarnissaat siunertaralugu.

30.¹³ Nunat assigiinngitsut akornannut nalimmassarneq aamma ilinniartut paarlaateqatigiinnerat bacheloritut ilinniarnep pillugu ilinniakkamut aqqissuussinermi ilaavoq, tassanilu aalajangerneqarluni pinngitsuugassaangitsumik sapaatit akunnerini marlunni nunani allani ilinniakkamik ingerlatsisoqartassasoq. Nunani allani ilinniarnep piareersarneqarlunilu nalilerneqartarpoq.

Naliliisut nalilerpaat nunat assigiinngitsut akornannut nalimmassaaneq aamma ilinniartut paarlaateqatigiinnerat ilinniarnep aamma ilinniartut ilinniartitsisullu ilinniarnep suliaqarnikkut ineriartornerannut ikorfartuutaasoq.

31.¹⁴ Ilinniartut tiguneqarnerat, ilinniarnep naammassinninnerat taamaatitsinerallu, ilinniarnep siumukarnerat kiisalu ilinniartut sunniuteqarnerat aamma suliffittaarnissaq siunertaralugu ilitsersorneqarnerat uppersaatini ilinniarfimmeersuni avataaneersunilu paasinarsarneqarpoq, taakkunanilu erserpoq ilinniakkamut aqqissuussinerniittut ilinniarnep akuerineqarnissamut aamma tiguneqarnissamut piumasaqaatit malinneqartut aamma ilinniartut ilinniartunngornissaminnut piareersimassusiat misilinneqartartoq qinnuteqartoq kisimiitillugu oqaloqatigineqarnissaa pisariaqaraangat.

¹¹ European Standard & Guidelines 1.2

¹² European Standard & Guidelines 1.4

¹³ European Standard & Guidelines 1.5

¹⁴ European Standard & Guidelines 1.7

Kisitsisit atorlugit nassuiaasiornernit kiisalu nalunaarusianit avataaneersunit ilinniarnerni taamaatitsinerit paasineqarsinnaapput, naallu taanna assigiinngitsumik annertussuseqartartoq apeqqutaalluni ilinniarneq avatangiisillu sorliit pineqarnersut. Ajornartorsiut taanna PI/SPS-ip annertuumik arajutsinaveersaarpaa Naalakkersuisoqarfiup, oqartussaasut ilinniarsiullu allat suleqatiginerisigut taamaatitsisarnerup millisarniarnerani. PI/SPS-ip ilinniartuutiminut ilinniarsiullu tamani tapersersuinernik aamma ilitersuinernik assigiinngitsunik neqerooruteqarneq suilluussimavaa.

Naliliisut nalilerpaat ilinniarsiullu annertuumik pingaartikkaa ilinniartut iluatsinnissaat aamma ilinniakkaminnik naammassinninnissaat, allallu suleqatigisartakkat suleqatigalugit suliniutinik aallartitsisoqartuortoq naammassinnittartut amerlisarniarlugit aamma taamaatitsineq pinaveersimatinniarlugu.

32.¹⁵ *Tunngavik 5 – Ilinniarnernit ilinniakkamullu aaqqissuussinerit pitsaassusaannik qulakkeerinninneq.*

Ilinniarnernit inerisarnissaat pitsaassutsimillu qulakkeerinninnissaq PI/SPS-ip ingerlaavartumik aallutaraa. Tamanna ilaatigut ilinniartut ilinniarnerni pissarsiaannik naliliinikkut aamma ilisimatusarnermut atassusiinikkut ilinniarsimillu sulisut ilinniaqqinnerisigut pisarpoq.

Ilinniakkamut aaqqissuussinerit piffissap killiliussap iluani nalliuteqqittartumik iluarsaaneqartarput, anguniakkanut taaneqartunut aamma ilinniartut inuiaqatigiillu pisariaqartitaannut tulluunnersut.

Ilinniartitsisut pikkorissaqqinnerat aamma ilinniaqqinnerat tassaapput ilisimatusarnerni aamma inerisaanerni, ukiumoortumik pikkorissarnerni, isumassarsiniarluni angalanerni aamma nunat assigiinngitsut akornanni ilinniartitsisunik nunani allaneersullu ilinniarsinneersunik paarlaasseqatigiittarnerni peqataanerit. Ilinniarnernit qaffasissumik ilisimasatigut pitsaasuunissaat anguniarneqarpoq taamaalillutik ilinniartut annertunerpaamik ilisimasatigut, pikkorissutsikkut piginnaaneqarnikkullu naatsorsuutigineqartunit pissarsiaqarnissaat qulakkeerniarlugu aamma perorsaasunngorlutik naammassinnittut ilisimasatigut sapinngisamik pitsaanerpaajunissaat.

Ilinniakkamut aaqqissuussinerit atuuttut tunngavigalugit ilinniarnerni ataasiakkaani ilinniarnernit ingerlanissaanni erseqqissumik sammiveqarnissaq anguniagaqarnissarluk, semesterit ataasiakkaat imarisassaat periaasissaallu aamma ilinniartut pissarsiaqarnissaat ilinniartitsisut suleqatigiikkuutaarlutik aalajangersimasumik pisartumik ataatsimiittarnertigut qulakkeertarpaat. Tamannalu ingerlanerit ataasiakkaat qulequttanik, atortussatigut periaatsitigullu ingerlanermit atorneqartussanik aamma ilinniarnernit pingaarnertut anguniagaat assigiinngisitaartunik imaqqinnerisigut qulakkeerneqartarpoq.

¹⁵ European Standard & Guidelines 1.9

33. Ilinniarnerni ataasiakkaani semesterini/immikkoortumi oqaluttariarsornikkut naliliisoqartarpoq, tassani imarititaq aamma periutsit pillugit akissuteqartoqartarluni, taamaalillunilu ilinniartitsisup ilinniartunik attaveqarnermigut imarititaq periutsillu aaqqissinnaavai taamaaliornermigullu ilinniartitsinermi pissarsiarineqarsinnaasut pitsaanerpaaffianiittussanngorlugit.

Ingerlatanik naammassisaqarnerni qarasaasiakkut apeqqutit immersugassat akisassanngorlugit nassiunneqartarput, tassani ingerlatami immikkoortuni assigiinngitsuni atorussat, periaatsit, ilinniartut misigisimasaat, pissarsiaat aamma ingerlatami peqataanerat apeqqutigineqartarlutik. Apeqqutit immersugassat ilinniarnernut assigiinngitsunut tulluurtunngorlugit suliarineqartarput, akissuteqaatillu annertunerpaamik sunniuteqarsinnaanerata anguniarlugu ingerlaavartumik aaqqinneqartarlutik.

Semesterip naammassinerani apeqqutit immersugassat aamma atorneqartarput, semesterimut ilivitsumut tunngasuteqartut.

Kisitsisit atorlugit nassuiaasiat oqaaseqaatillu PI/SPS-ip atortarpari ilumini ingerlaavartumik naliliinermini aamma ilinniarfimmi ilinniarnerni pingasuni ilinniartitsinerit pitsanngorsarniarlugit, taamaalillutik ilinniakkamik naammassisaqarsimasut nunatsinni inuiaqatigiinni suliaminnik isumaginninnerminni pisinnaasaqarnerpaatinniarlugit.

Kinaassuseq isertuullugu paasissutissat tamarmik nalunaarutigineqartarput, isertuunneqartussat paasissutissat pillugit inunnut paasissutissat pillugit inatsimmi aalajangersarneqarsimasut allallu unioqqutinneqannginnissaat anguniarlugu.

Ilinniakkanut aaqqissuussinerit 2017-imeersut taakkulu kingornatigut suliarineqarsimasut aallaavigalugit ilinniarnernit pitsaassusaannik ingerlaavartumik qulakkeerinninniarluni pitsaasunik iluaqutaasunillu suliniuteqartoqartarsimasoq naliliisut nalilerpaat. Killiffinni aamma piffissap iluani ingerlanneqartunik naliliinernik atuineq suliniutit aalajangersimasumik atorneqartartut ilagilersimavaat, aamma pisortat ilinniartitsisullu angusanik allattuinnissaq arajutsinaveersaartarparit taakkulu siunissami ilinniartitsinermi aamma ilinniarnernit ilusilerneqarnissaanni suliniuteqarnissamut aallaaviginiarneqartarlutik.

Ilinniartut suliaasa pitsaassusaat ineriartortinniarlugit ilinniarnerni nalunaarsuiffiit, ilinniarnerni ilitsersuinerup, ilinniaqatigiittartoqalernissap il.il. atorneqarnissaat naliliisut aamma nalilerpaat. Suliniutissat taakku qanoq iluaqutaatigiумаarnissaat nalileruminaappoq, kisianni ilinniarfiup taakkunatigut suliniuteqarnissaa qujanassaqaq.

34.¹⁶ *Tunngavik 6 – Tamanut ammasumik paasissutissiineq*

¹⁶ European Standard & Guidelines 1.8

PI/SPS-ip ilinniarfik, taassumalu ilinniarneri pikkorissartitsinerilu ilinniartunngortussat pikkorissartussallu alaatsinaataralugit inuiaqatigiinnut saqqummiuppai. Ilinniarfiup nittartagaani <http://pi.sps.gl/>-imi ilinniakkamut aaqqissuussinernut, ilinniarneri pillugit quppersakkat aamma ilitsersuinerit pillugit paasissutissat paasissutissiissutigineqarput. Pikkorissartitsinerit aamma pikkorissartitsinerit imarisaat pillugit atortussat allaatigisat atorlugit nittartakkami paasissutissiisoqarpoq.

Ilinniarfiup ilisimasanik eqiteruffiunera, ilisimasanik nutaanik inerisaanermut nunatsinni inuiaqatigiinnut iluaqutaasumik tapersiivoq, taannalu ilinniarnernut attuumassuteqartunut imaluunniit perorsaasutut sulinerup iluini sulinermut paasissutissanik aallaavissatut piukkunnaateqarpoq.

Ilinniarneri aamma pikkorissartitsinerit pillugit paasissutissanik pingaartunik nittartakkap imaqarnera naliliisut nalilerpaat.

35. Tunngavik 7 - 2012-imi naliliinerup malitsigisaanik suliaqarneq

2012-imi naliliisut bacheloritut ilinniarneq Naalakkersuisoqarfiup 2008-mi akuersissuteqarnertigut taamani misiligutaasumik ingerlanneqartoq nalilerpaat. Naliliineq nalunaarusiornermik naggaserneqarpoq, tassanilu Europami akuerineqarsimasut ilinniartitaanerit qaffasissusaat ilinniartitaanermilu ilisimasassatigut pikkorissutsikkut piginnaaneqarnikkullu naatsorsuutigineqartut pillugit arlalinnik innersuussutinik saqqummiussisoqarpoq.

Innersuussutit ilinniakkamut aaqqissuussinernup imarisaanut, ilisimasanut tunngaviusussanut aamma ilinniakkap naammassineqartarnissaanut ilinniakkallu pitsaassusaanik qulakkeerinninnissamut pingaartumik tunngapput.

Tullertut innersuussutit malitsigisaannik inerisaanermik suliaqartoqarnerata inerneraa perorsaasutut ilinniarnernup nutaanik ilinniakkamut aaqqissuussinermik kiisalu ilinniarneq pillugu aamma sungiusarluni sulineq pillugu quppersakkamik suliaqarneq.

Saniatigut najugaq qimannagu perorsaanermik ilinniarnermi ilinniakkamut aaqqissuussineq naleqqussarlugu inerisaalluni suliaq PI/SPS-ip aallartippaa.

Siuliani naliliinermi innersuussutit perorsaasutut ilinniakkap, maannakkut perorsaasutut sammivilimmik bacheloritut ilinniarnertut akuerineqarsimasumut, arlalinnik allanngortinneratigut pitsaassutsimut pingaaruteqartumik inerineqarsimanera naliliisut nalilerpaat.

Allanngortitsinerit ilinniakkap inerisarneqarneranut aamma ilinniarfiup ilinniarnernut allanut ilinniarnermilu sammisaanut allanut qulakkeerinninnermut pitsaassutsimik sunniuteqarsimasut naliliisut naliliipput.

36. Tunngavik 8 – Ilinniartut naammagisimaarinninnerat.

Uppernarsaatissat PI/SPS-ip tunniussai ilinniartut ilinniakkamut, ilinniartitsinermut, atortorissaarutinit il.il. naammagisimaarinninnerannik naliliinissamut tunngavissiilluarput.

Naliliinermi tassani ilinniartut isumaat itisilerniarlugit ilinniarfimmuut tikeraarnermi apeqqarissaarnerit ingerlanneqarsimapput. Apeqqarissaarnermi ilitersuutit qallunaatut kalaallisullu suliarineqareersimasut aallaavigalugit apeqqarissaarnerit ingerlanneqarput. Ilinniarfimmittuni ilinniakkani amerlanernit ilinniartut nutaat misilittagaqartullu peqataasimapput, tassanilu pineqarlutik ilinniartut ilinniartut inuunerat, ilinniartitsineq aamma atortorissaarutit, ilinniarnerni suleqateqarneq ilinniartitsisunillu suleqateqarneq akisussaaqataanerlu¹⁷.

Ilinniagartik, ilinniartitsineq, ilinniartitsisunillu pisortanillu peqateqarneq, ilinniarnermi ilitersuisarneq aamma tapersiisarneq kiisalu atortorissaarutit periarfissallu ilinniartunut periarfissanngortinneqartartut ilinniartut pingaartutigut naammagisimaaraat naliliisut nalilerpaat. Ilinniartunik apeqqarissaarnerit tunngavigalugit naliliinerit nunatsinni ilinniartut naammagisimaarinninnerannik misissuinerup¹⁸ kingulliup, naliliisut misissugaata, tunngavilersorpaa.

NALILIINERMI TUNNGAVIIT – OQAASEQAATIT AALAJANGERSIMASUT AAMMA INNERSUUSSUTIT.

37. Immikkoortumi tullinnguuttumi (imm. 37– 83) ilinniarnernit pineqartut ilinniakkamut ilinniarnernullu aqqissuussinerit kiisalu ilinniarnermi piviusunngortitsineq imminut nalilernermi paasissutissat, uppersaatissat, ilinniarfimmuut tikeraarneq apeqqarissaarnertalik kiisalu paasissutissanik noqqaaneq aamma apeqqutit naliliisut erseqqissaqullugit kissaatigisimasaat pillugit oqaaseqaatit aalajangersimasut naliliisut saqqummiuppaat. Oqaaseqaatit naliliinerit *ilaatigut* tunngavilersorpaa, tassanilu nalilersuinerit innersuussutillu aamma *ilaatigut* PI/SPS-i ilinniartittut assigiinngitsunik katitigaasutut ataqatigiissumik allaaserineqarluni.

Naliliinermi tunngavigineqartut ataasiakkaat iluanni naliliinerup malitseqartinnissaa pillugu PI/SPS-imut innersuussutit naliliisut aamma saqqummiuppaat.

Immikkoortup tulleriinnilersorneqarnerani tunngaviit arfineq pingasuusut najoqqutarineqarput, imminut nalilerneq pillugu nalunaarusiap suliarineqarnissaanut PI/SPS-imut ilitersuutigissallugu toqqarneqarsimasoq tunngavigalugu. Naliliisut

¹⁷ European Standards & Guidelines 1.3 Student Centered Learning, 1.4 Student Admission, Progression, 1.6 Learning Resources and Student Support.

¹⁸ Ilinniartut atugarissaarnerat pillugu misissuineq, Perorsaarnermik Ilinniarfik, Ennova 2019


inerniliinerannik aamma innersuussutaannik pingaarnernik eqikkaanermik immikkoortoq naggaserneqarpoq.

TUNNGAVIK 1 – ILINNIARNERIT – PISARIAQARTITAT NALEQQUSSUSERLU

38. Tunngavik manna ilinniarnernut, atuisut atorfinitsitsisartullu pisariaqartitaannut naleqqussusiannullu kiisalu PI/SPS-ip suliffeqarnermik oqaloqateqartarneranut tunngavoq.

Ilinniarnarit ilinniarnernut ilinniakkanullu aaqqissuussinertaqartut aallaqqaasiullugit saqqummiunneqarput. Inuusutissarsiutinik ilinniartitsinerit aamma qaffasinnerusumik ilinniartitaanerit ingerlanneqartut PI/SPS-imi neqeroorutigineqartut sumilu nunatsinni inissinneqarsimanersut ataani assiliartami saqqummersinneqarput.

Ilinniarnarit taakku pillugit siulersuisut Naalakkersuisoqarfimmik IKIN-imik isumaqatigiissuteqarsimapput.



Assiliartaq 1 PI/SPS-imit suliarineqarsimasoq.

39. PI/SPS-imi ilinniarnarit tamarmik teoriimik ilinniarnernit sungiusarluni sulinermut paarlakaattumik ilinniarnerrupput. Ilinniarfimmi killiffinni tamani ilinniarnarit tamarmik sulinermik ilaqarnertik taamaattumik ilisarnaatigaat: Ikiortitit ilinniarnernit bacheloritut ilinniarnernut. Sungiusarluni sulinerup nalaani sungiusarluni sulinermut PI/SPS-imi akisussaasoqarnera aamma ilinniartitsisoqarnera, sungiusarluni sulineri ilikkagassatut anguniagassat anguneqarnissaannut akisussaasunik aamma ilinniarnarit assigiissutigaat.

Sungiusarnerluni sulinermik ingerlataqarneq ilinniarnerni tamani ilaavoq. Perorsaasutut bacheloritut ilinniarnerni najugarlu qimannagu perorsaanermik ilinniarnerni ilinniakkamut aaqqissuussinerni sungiusarluni sulinermut anguniakkani allassimavoq, taakku siuariartornissaq aallaavigalugu qaffakkiartortillugit perorsaasutut sulinermiittut ilannguttarlugit, taamaalilluni ilinniartut arajutsinaveersaagaat eqqarsaataallu annertusillugit pilersaaruserneqarlutik suliarineqarsimasut.

Ilinniarnermi ingerlatat aamma aallaavigineqartarnissaat sungiusarluni sulinerut anguniakkani allassimavoq. Sungiusarluni sulinermit ilinniarneq aamma ilinniartitsinerup ilinniarnermi ataqatigiissumik imminnut tapertariinnerat ilinniakkamut aqqissuussinerni nalinginnaasunik erseqqissarneqarmat naliliisut naammagisimaarpat.

Perorsaanermik suliffeqarfiit akimorlugit suliffeqarfinni sungiusarluni sulinerut ilitsersuisut sungiusarluni sulinerut ilitsersuisutut pikkorissarnissamik neqeroorfigineqartarput ilinniartullu ilikkagassatut anguniagaat aamma sungiusarluni sulinermit ilitsersuisuuneq pillugu saqqummiinerit ilisimasallu ilaatinneqartarlutik.

Ilinniartunut ilinniartitsinerup aamma sungiusarluni sulinerut ilitsersuisutut pikkorissarnerit inerisaqqinnissaat naleqqussarnissaallu sungiusarluni sulinerut ataatsimiititaliap Ilulissani pilersinneqarsimasup isumagisarpaa.

Ilinniakkamut aqqissuussinerni, ilinniarneq pillugu quppersakkani aamma sungiusarluni sulineq pillugu quppersakkani ilinniarnernit allaaserineqarnerattut tullinnguuttumi saqqummiunneqassapput. Ilinniarnernit siuliani immikkoortoq 7 – 12-imi aamma taaneqarsimapput.

40. Perorsaasutut sammivilimmik bacheloritut ilinniarneq. Perorsaasutut ilinniarneq Perorsaasutut ilinniarneq ukiut sisamaat avillugu bachelorinnngorniarnervoq (210 ECTS aamma EQF alloriarneq 6). Ilinniartut ilinniakkamik naammassinnissimasut nunatsinni inatsisit nalunaarutillu naapertorlugit perorsaasutut uppersarnaammik allagartartaartarput.

Isumaginninnermi perorsaasussanik ilinniartitsineq pillugu Inatsisartut peqqussutaat nr. 2, 20. maj 1998-imeersup sinaakkusiussaata iluani ilinniarneq aallaqqaataanit august 2008-mi pilersinneqarsimasoq maannakkut bacheloritut ilinniarnervoq qaffasinnerusumik ilinniartitaanerit pillugit inatsisartut inatsisaat nr. 14, 12. juni 2019-imeersoq naapertorlugu.

Atorfinissutaasinnaasumik bacheloritut ilinniakkamik naammassisaqarsimasoq perorsaanermik suliaqartut atorfigisinnaasaanni tamani atorfinissinnaanngortarpoq. Ilinniagaqarsimasup kandidatitut aamma masteritut qaffasissuseqartunik ilinniagaqarnissamat piginnaasaqalersimasarpoq.

Ilinniartup ilisimasaqalernissaa, paasisimasaqalernissaa piginnaaneqalernissaalu perorsaanermik sulinermit inerisaanernik, ilikkartitsinernik isumassuinermillu suliaqarsinnaanngornissaa ilinniakkap siunertaraa.

Perorsaasutut atorfinissutaasinnaasumik bacheloritut ilinniarnernup perorsaanerup tungaatigut qaffasissumik piginnaaneqalernissaq nunallu assigiinngitsut akornanni piumasaqaatit pitsaassutsimillu malittarisassat naammassineqarnissaasa qulakkeerneqarnissaat peqataaffigissavaa.

41. Najugaq qimannagu perorsaanermik ilinniarneq

Najugaq qimannagu perorsaanermik ilinniarneq ukiuni pingasuni ilinniarnaruvoq semesterinut arfinilinnut aaqqissuunneqarsimasoq. Ilinniarnermut piunasaqaataavoq siornatigut isumaginninnermi ikiortitut ilinniagaqarsimanissaq aamma sulinermik misilittagaqarnissaq.

Ilinniakkamik naammassinnissimasoq perorsaanerup iluani tamani atorfininnissamut periarfissaqarpoq. Ilinniakkamik naammassinnissimasoq bacheloritut aamma diplomitaarniarluni ilinniarnertut qaffasissuseqartuni ilinniagaqalernissamut periarfissaqarpoq.

Ilinniartup ilisimasaqalernissaa, paasisimasaqalernissaa piginnaaneqalernissaalu perorsaanermik sulinermi inerisaanernik, ilikkartitsinernik isumassuinermillu suliaqarsinnaanngornissaa ilinniakkap siunertaraa.

Perorsaanerup ataani qaffasissumik piginnaaneqarnissaq ilinniakkap qulakkeerinneqataaffigissavaa.

42. Socialassistentitut ilinniarneq

Socialassistentitut ilinniarneq inuussutissarsiutinik ilinniartitsineruvoq tapiliussa q ukiumik ataatsimik sivissuseqartoq, qaffasinnerusumik ilinniartitaanermut ilinniakkamut naleqquttumut ilinniagaqalernissamut ilinniartup piareernissaa aamma ilinniartup perorsaanerup iluani pikkorissuseqarluni sulinnissamut piginnaaneqalernissaa siunertaralugu.

Ilinniakkamik naammassinnissimasoq perorsaanerup iluani tamarmiusumi atorfinissinnaavoq. Ilinniagaqarsimasoq bacheloritut aamma diplomitaarniarluni ilinniarnertut ilinniagaqalernissamut piginnaassuseqarpoq.

Ilinniartup tunngaviusunik ilisimasaqalernissaa, paasisimasaqalernissaa piginnaaneqalernissaalu perorsaanermik sulinermi inerisaanernik, ilikkartitsinernik isumassuinermillu perorsaanikkut suliaqarsinnaanngornissaa ilinniakkap siunertaraa.

Perorsaanerup ataani qaffasissumik piginnaaneqarnissaq ilinniakkap qulakkeerinneqataaffigissavaa aammalu perorsaasutut ilinniarnertut qaffasissuseqartumut isissutaasinnaalluni.

43. Isumaginninnermi ikiortitut ilinniarneq

Isumaginninnermi ikiortitut ilinniarneq ukiuni marlunni tunngaviusumik ilinniarnaruvoq (inuussutissarsiutinik ilinniartitsineq) piffissanut tallimanut immikkoortulerneqarsimasoq.

Ilinniakkamik naammassinnissimasoq perorsaanerup iluani atorfigineqarsinnaasuni tamani atorfinissinnaatitaavoq. Ilinniagaqarsimasoq perorsaanerup aamma isumaginninnerup iluani sammisaqarnermi peqataassalluni atituumik pisinnaaneqarpoq perorsaanerullu iluani suliassanik akisussaaffeqassalluni isumagisaqassallunilu. Ilinniakkamik naammassinnissimasoq socialassistentitut ilinniarnissamut pisinnaassuseqalertarpoq.

Ilinniartup ilisimasaqarnikkut, paasisimasaqarnikkut aamma piginnaaneqarnikkut ineriartortitsinermik, ilikkartitsiniarnermik aamma isumassuinermik suliaqarsinnaangornissaa perorsaanermt tunngasutigut ilinniarterup siunertaraa.

Ilinniarterup qulakkeeqataaffigissavaa perorsaanerup tungaatigut akisussaassuseqartumik pisinnaasaqartoqarnissaa.

44. Ulluunerani meeqqanik sullissinermi ikiortinngorniarneq

Ulluunerani meeqqanik sullissinermi ikiortinngorniarneq inuussutissarsiutinik ilinniartitsineruvoq sivilisunngitsoq, isorliunerusuni qaammatini qulingiluaani arfinilinnut immikkoortunut aaqqissuunneqarsimasoq.

Ilinniakkamik naammassinnissimasoq ulluunerani neqeroorutini atorfinissinnaatitaavoq. Ilinniakkamik naammassinnissimasoq perorsaanermik suliaqassalluni pisinnaassuseqarpoq aamma isumassuineramik perorsaanermik ilinniagaqarsimasut peqatigalugit. Ilinniakkamik naammassinnissimasoq isumaginninnermi ikiortitut ilinniarnermut peqataassalluni pisinnaasaqarpoq.

Ilinniartup perorsaanerup iluani isumassuineramik suliaqarnissamut ilisimasaqarnissaa, paasinninnissaa aamma sulineramik pikkorissuseqarnissaa ilinniarnerup siunertaraa.

Ilinniartut ataasiakkaat perorsaanerup iluani piginnaasaasa qaffasissuseqarnissaat ilinniarnerup qulakkeerinneqataaffigissavaa.

45. Pikkorissaanerit aamma pikkorissaqqinnerit ilinniaqqinnerillu

PI/SPS-i pikkorissaanerit aamma pikkorissaqqinnerillu sinaakkutit uku iluanni neqerooruteqartarput:

- Piginnaasanik ineriartortitsiviusumik pikkorissanerit (PKU) ilinniagaqarsimannngitsunut Namminersorlutik Oqartussani aningaasaliissutinit aningaasat PI/SPS-ip qinnutigisarpai pikkorissaanerit kissaatigineqarsimasunut atugassat.
- Inuussutissarsiutinut pikkorissartitsisarnerit (AMA) aamma inuussutissarsiutinik ilinniartitsinerni ilinniaqqinnerit ilinniagaqarsimannngitsunut aamma ilinniagaqarsimasunut.
- Pikkorissartitsinerit avataanit qinnutigineqarsimasut aamma suliniutinut aningaasaliinerit, pikkorissartitsinerit kommuninit, suliffeqarfinit aamma allanit qinnutigineqartartut aamma aningaasalerneqartartut.
- Sungiusarluni sulinermit suliffeqarfinni ilitersuisartunut pikkorissartitsinerit, PI/SPS-imi ingerlatsinermi aningaasartuutinit aningaasaalerneqartarpoq.
- Ilaqutariinnik siunnersuinermit diplomitaarniarluni ilinniarneq.
- Nunatsinni ulloq unnuarlu paaqqinnittarfinni sulineq pillugu diplomitaarniarluni ilinniarneq.

Perorsaausutut sulinerup iluani sulisunik ilinniagaqarsimasunik amigaateqarneq pikkorissartitsinerit ikiorsiiffigissavaat.

Diplomitaarniarluni ilinniarnerit ukiumik ataatsimik sivilisussuseqartumik ilinniaqqinnerupput qaffasinnerusumillu ilinniartitaanerullutik (60 ECTS), ukiumut marlunnut immikkoortukkaarlugit Europami ilinniartitaanerit qaffasissusaat ilinniartitaanermit ilisimasassatigut, pikkorissutsikkut piginnaaneqarnikkullu naatsorsuutigineqartartut malillugit alloriarneq 6 naapertorlugu pilersaaruserneqarsimallutik.

Ilinniakkamik naammassisaqarsimasoq perorsaannermi atorfigineqarsinnaasut tamaasa suliffigissallugit periarfissaqarfigai. Ilinniagaqarsimasoq kandidatinnngorniarluni aamma masterinnngorniarluni qaffasissuseqartumik ilinniarnissaminut piukkunnassuseqarpoq.

Ilinniartup ilisimasaqarnikkut, paasisimasaqarnikkut aamma piginnaaneqarnikkut ineriartortitsinermik, ilikkartitsiniarnermik aamma isumassuinermik suliaqarsinnaanngornissaa perorsaannermut tunngasutigut ilinniarnarup siunertaraa.

46. Naalackersuisoqarfiup ulluunerani neqeroorutini aamma isumaginninnerup ataani sulisussat sillimmatit pillugit misissuinerisa¹⁹ takutippaat maannakkut amigaatigineqartut ulluunerani neqeroorutini sulisussat piginnaassuseqartut – perorsaasut 120-t missaat. Isumaginninnerup iluani taakku saniatigut perorsaasunik kiisalu perorsaanikkut immikkut pisariaqartitsisunik sullissinissamik piginnaasaqartut nalinginnaasumik amigaatigineqarput.

PI/SPS-ip nalilerpaa ilinniakkamik naammassisaqarsimasut tamarluinnangajammik ilinniakkamik naammassinnereernerikkut suliffissanik neqeroorfigineqartartut. Perorsaasut ilinniakkamik naammasserlaat arlallit suliffeqarfinni pisortassatut neqeroorfigineqartarput, tamannalu tunaartaralugu PI/SPS-ip tamanna bachelorimik qaffasissuseqartumik ilinniakkamik aaqquissuussinermini isiginiarsimavaa.

PI/SPS-imit 2007-imit 2017-imut ilinniakkamik naammassinnittartut pillugit paasissutissanik Nunatsinni Naatsorsueqqissaartarfik tunniussaqaarsimavoq, tassanilu pingaartumik bacheloritut ilinniagaqarsimasut ingerlatsivinni, meeqqanik inuusuttunillu ikiorsiinerni, utoqqarnik isumaginninnermi, innarluutilinnik sullissinerni, ulluunerani neqeroorutini, PPR/ilinniartut inissiaanni, atuarnerup naammassereernerani paaqqinniffinni, Majoriani, kommunini atuarfinni, il.il. atorfeqalersartut erserpoq.

47. PI/SPS-imut siulersuisut 2019-imi ukiakkut suliaq aallartippaat sulisoqarnikkut suliaqartunut oqaloqatigiinneq aamma eqqartuineq suliffeqarfiit pisariaqartitaat aallaavigalugit qanoq paaseqatigiinneq aamma PI/SPS-imut ilinniarnarit tamaasa, pikkorissartitsinerit aamma ilinniaqqinnerit pillugit periusissiaq paaseqatigiinnerlu pilersinneqarsinnaanersut.

Suliffeqarfinnik oqaloqatigiinnerit akuersaartumillu pissusilersornerit saniatigut 2017-imit 2019-imut Namminersorlutik Oqartussat ataanni suleqatigiinni arlaqartuni isumaginninnerup iluani ilinniarnarit, ulluunerani neqerooruteqarnermi periusissiorneq aamma iliuusissiorneq aamma Tasiilami ilinniarfimmik pilersitsinissaq alaatsinaallugit PI/SPS-i peqataavoq.

Taakku saniatigut piffissami pineqartumi PI/SPS Namminersorlutik Oqartussani kommuninilu soqutigisallit peqatigalugit immikkut pisariaqartitsisut pillugit pædagogikkip iluani ilinniarnernik pisariaqartitsineq aamma kissaatigineqartut pillugit qulaajaqaataavoq; naammassillugu, naliliiffigalugu aamma piareersarlugu

¹⁹ Ulluunerani neqeroorutit pillugit misissuineq, Epinion 2017

Isumaginninnermut Ilaqutariinnermullu Naalakkersuisoqarfiup kissaateqarneratigut ulloq unnuarlu paaqqinnittarfinni sulisunut diplomitaarniarluni ilinniarneq, ilaqutariinnillu siunnersuineq pillugu diplomitaarniarluni ilinniarnermut ilinniakkamut aaqqissuussineq nutaaq naammassillugu aamma immikkut pisariaqartitsisut pillugit pædagogikkip iluani ilinniarnert pillugit innersuussutinik suliaqarluni.

48. Pisariaqartitsinernik kissaatinillu ilinniarniup iluani ilinniarnernik isumaginninnissaq tunaartaralugu PI/SPS-i paasiniaavoq, assersuutitut ulluunerani neqeroorutit pillugit ingerlaavartumik ilinniaqinnissamik assigiinngitsunik imaluunniit pikkorissartitsinernik pisariaqartitsinerit pillugit, taakkunungalugu ilaallutik ilinniagaqarsimanngitsunut aamma sivikinnerusumik ilinniarnernik ilinniagaqarsimasunut ilinniarnert tulluartut. Ilinniarniup namminneq misissukkatik ilinniarnert pikkorissarnerillu imarisaannik pilersaarusiornermi ilaatittarpei. Misissuinerit²⁰ nalinginnaasumik takutippaat ulluunerani neqeroorutini perorsaasunik ilinniarsimasunik pisariaqartitsinerup 50 %-ia ataallugu kommunini atorfeqartitsisoqartoq.

49. Pikkorissartitsinerit avataanit kissaatigineqartut pisortaqarfiit pineqartut oqaloqatigalugit pilersaarusiorneqartarput, tassanilu piffissami ingerlanneqartut immikkoortukkaarlugit ulloq unnuarlu paaqqinnittarfinni sulisunut Isumaginninnermi Naalakkersuisoqarfik peqatigalugu suliarineqarsimallutik.

Pikkorissartitsinerit avataanit kissaatigineqartut pisortat pineqartut aamma kommuninit toqqaannartumik saaffiginnissimasut pikkorissartitsinernik kissaatit pikkorissartitsinissanut neqeroorutinut ilanngunnissaat pillugu oqaloqatigalugit pilersaarusiortoqartarpoq.

Naliliisut suliffeqarfinni pisortanik aamma ingerlatsivinni pisortanik apeqqarissaarnerisa ersersippaat, atuisunit/atorfinititsisartunit aamma perorsaasunik ilinniakkamik naammasserlaanit ilinniakkamut tapertassanik pikkorissartitsinernik sivikitsunik annertuumik kissaateqartoqartoq, ingerlaavartumik piginnaaneqarnerup ineriartortinnissaa aamma ilisimasanik nutaanik pisariaqartitsineq matussuserniarlugu. Ingerlatsivinni pisortanit kissaatigineqarportaaq assersuutitut perorsaasunut suliffeqarfinni pisortanngortunut pisortanik ilinniarniviit. Kissaatitut taaneqarpoq PI/SPS-ip aaqqissuussamik suliffeqarnermut attaveqartalernissaa imaluunniit siunnersuisinnaasumik pilersitsinissaq pikkorissartitsinerit ingerlanneqartussat, pisariaqartitsinerit aamma pingaarnersiunerit oqaloqatigiissutigisinnaanngorlugit.

PI/SPS-ip aamma meeqqeriviit timersornermik ingerlataqartut pikkorissaanertigut, Kalaallit Nunaanni Timersoqatigiit Kattuffiat peqatigalugu pilersaarusiorneqartartunik akuersissummik allagartaliisarpoq, taakkulu kommunit aamma allat soqutiginnittut qinnutigisinnaavaat.

Ilinniarnernik aamma pikkorissartitsinernik neqeroorutit pillugit annertunerusumik nittartakkakkut ilisimatitsisarnissaq PI/SPS-ip sulissutigaa, kingullermilu nittartakkakkut peqataaniarluni nalunaarsinnaaneq periarfissanngorsimalluni.

²⁰ Ulluunerani neqeroorutit pillugit misissuineq, Epinion 2017

50. Pikkorissartitsinerit tamarmik allattariarsorluni naliliinermik naggaserneqartarput, taakkulu pikkorissartitsinernik pilersaarusiornermi piviusunngortitsinermilu ilanngunneqartarlutik.

Naliliinerit qulaani taaneqartut inernerput PI/SPS-ip pikkorissartitsinernik inerisaaneraniq periusissamik allanngortitsinermik, tassaallunilu sapinngisamik nammineq ilinniartitsisorisanik atuinerunissaq pineqalerluni, siornatigummi avataaneersut pikkorissaasussat Danmarkimi suleqatigisaneersut nutserisulersorlugit ilinniartitsisorineqartarsimapput. Pikkorissartitsinerni ilinniartitsisussanik noqqaanermi qulequtaq aamma ilikkagassatut anguniakkat pillugit piginnaasaqarfimmut ilisimasaqarluarneq sulii pingaartinneqartarput.

Nunatsinni kalaallisut ilitsoqqussaralugu oqaaseqarfiusumi kalaallisut pikkorissartitsisarnissaq alaatsinaanneqarpoq, PI/SPS-imi ilinniarnert neqeroorutigineqartut aamma ilinniartitsinernik pilersaarusiornermi ilinniarnerni assiginngitsunik qaffasissuseqartuni misilittakkanut imarisatigut aamma tulluartaunikkut atassusiinissaq qulakkeerneqartarpoq. Pikkorissartitsinerni peqataasussat tassaagajupput sulisut ilinniagaqarsimannngitsut imaluunniit ilinniagaqarsimasut ukiuni amerlasuuni sulisimasut ilinniaqqinermik ingerlataqarsimannngitsut.

51. Pikkorissartitsinissat neqeroorutigineqartut soqutigisaqartut assiginngitsut suleqatigalugit siunissaq ungasinnerusoq eqqarsaatigalugu suliniutinut aalajangersimasunut periuseqarnissaq PI/SPS-ip pingaartippaa. Pisariaqartitsinerit tassangaannartumik takkuttut pillugit Naalakkersuisoqarfiit kommunillu suleqatigalugit aqqiisoqartarpoq.

PI/SPS-ip ilinniarnert neqeroorutai tamarmik oqaloqatigiinnermik aallaaveqarnerat aamma suliffeqarfinnut tulluartaunerat kiisalu ilinniarnernik taamatut qaffasissuseqartunik ukiuni aggersuni pisariaqartitsinerup annertusiartornissaa naliliisut paasivaat.

Atuisunit aamma atorfinitsitsisartunit pikkorissaqqinnissanik ilinniaqqinnissanillu pisariaqartitsisoqarnera, maannakkullu kissaatigineqartut naapertorlugit naammassineqarsinnaasannngitsunik, naliliisut aamma paasivaat.

Piffinni nunallu immikkoortuini atuisut aamma atorfinitsitsisartut peqatigalugit piffinni piginnaaneqarnerup ineriartortinnissaa tunaartaralugu PI/SPS-ip pineqartuni aamma ilinniartarfiup periarfissaata iluani suliniutinik tapersiinissaa naliliisut innersuussutigaat.

TUNNGAVIK 2 – ILISIMASAT TUNNGAVIUSUSSAT

52. Atorfeqartitat piginnaasamikkut ineriartornissaat ilinniartitsisullu kalaallit amerlanerulernissaat aamma qaffasinnerusumik ilinniartitaanerni PI/SPS-ip

sulissutigaa. Nunatsinni aamma nunat assigiinngitsut akornanni ilinniartitsisut allanik atituumik suleqatigiinnerup aamma ilinniartitsisut taartigiittarneq aqutugalugu isumassarsiorsinnaanerup aamma tapersiisarnerup suliffimmi silaannaq aamma ilisimasatigut ilinniarterit pitsaassusaannik tapersiinnaq tapersersorpaat.

Ataasiakkaat imaluunniit ilinniartitsisut suleqatigiit piginnaasaannik inerisaanerit aamma ilinniakkamik naammassisaqareersunik ulluunerani paaqqinnittarfinni aamma ulluunerani neqeroorutini sulisunik il.il. pikkorissaaqqinnikkut aamma ilinniaqqinnikkut tapersersorneqartartut ilinniartitsisut namminneq taavaat. Ilinniartitsinerup inuiaqatigiinnut atassuserneqarneratigut nunatsinni pissutsit tunngavigalugit ilinniarnernik misigisimaneq nukittorsarpaa.

53. Ilinniartitsisut perorsaanerup iluani ilinniarsimasut PI/SPS-imi atorfeqartut katillutik 22-upput ukiunilu amerlasuuni ilinniartitsinerimik misilittagaqarlutik. Ilinniartitsisut 15-it kalaaliupput.

PI/SPS-imi ilinniartitsisut ilinniartitsiffigisaminnit qaffasinnerusumik ilinniagaqarsimapput, atorfinninnilu aalajaatsupput ukiunilu amerlasuuni ilinniartitsinerimik misilittagaqarlutik.

Nunatsinni qaffasinnerusumik ilinniartitaanerni ilinniartitsissagaanni piginnaaneqarneq pillugu piumasaqaatinik malittarisassaqaanngilaq. 2008-mi perorsaasutut sammivilimmik bacheloritut ilinniarneg misiliutitut aallartimmali PI/SPS nammineq ilinniartitsisunut piginnaaneqarneq pillugu piumasaqaatinik aalajangersaasimavoq aamma ilinniartitsisut piginnaaneqarnerat ineriartortinniarlugu adjunktitut aamma lektoritut atorfeqarnissamut pilersarusiorsimalluni ilinniartitsisunut kandidatitut qaffasissuseqartumik ilinniagaqarsimasunut.

Ulluunerani meeqqanik sullissinnermi ikiortinngornermi aamma Isumaginninnermi ikiortitut ilinniarnerni ilinniartitsisut katillugit arfineq marluk atorfeqarput, taakkunanani sisamat ukiuni amerlasuuni ilinniartitsisusimallutik pingasullu ukioq ataatsimiit ukiuni marlunnik sivisussuseqartumik PI/SPS-imi ilinniartitsinerimik misilittagaqarlutik. Marluk inuussutissarsiutinik ilinniartitsinerne ilinniartitsisut pædagogikumimik KISII-mi ilinniagarput ataaserlu aallartittussat nalunaarutigineqarsimalluni. Sinnerisa tamarmik inuussutissarsiutinik ilinniartitsinerne ilinniartitsisut pædagogikummi naammassereersimavaat. Tamarmik perorsaasutut qaffasinnerusumik ilinniartitaanermik ilinniagaqarsimapput.

Socialassistentitut ilinniarnerni inuussutissarsiutinik ilinniartitsinerne ilinniartitsisut katillugit marluk atorfeqartinneqarput. Tamarmik 2019-imi atorfinissimapput, taakkunanilu ataaseq meerartaarnermut atatillugu sulinngiffeqarpoq, aappaalu atorfinni aalajangersimasumi atorfeqarpoq sionatigut ilinniartitsisusimasooq ukiuni amerlasuuni pingaartumik perorsaasunnngornianut ilinniartitsisusarsimammat. Ilinniartitsinerimik misilittagaqarneq tassani pisariaqartinneqartoq aaneqarsinnaavoq. Ilinniarnerni ilinniartitsisusut masteritut imaluunniit kandidatitut qaffasissuseqartumik ilinniagaqarsimanissaat PI/SPS-ip salliutippaa, ilinniarnermilu ilikkagassatut anguniakkat taperserniarlugit Perorsaasutut sammivilimmik bacheloritut ilinniarnermut isernissamut piareersarneq tunaartarlugu.

Najugaq qimannagu perorsaанermik ilinniарnermi ilinniartitsisut amerlanerit ukiuni amerlasuuni ilinniartitsinerмик misilittagaqарput. Tamarmik ilinniartitsisutut perorsaasutulluunniit tunngaviusumik ilinniagaqarsimanermik saniatigut diplomimik allagartartaarluni ilinniarnertut, masteritut imaluunniit kandidatitut ilinniagaqarsimapput.

Perorsaasutut sammivilimmik bacheloritut ilinniарnermi ilinniartitsisut arfineq pingasut atorfeqartinneqарput. Taakkunani arfinillit ukiut sisamat sinnerlugit PI/SPS-imi ilinniartitsinerмик misilittagaqарput, marlullu 2019-imi aatsaat atorfinissimallutik. Ilinniарnermi ilikkagassatut anguniakkanut tulluuttunik tamarmik masteritut imaluunniit kandidatitut ilinniagaqarsimasuupput.

54. PI/SPS Ilulissani nammineq atuagaateqарfeqарpoq <http://pi.sps.gl/om-biblioteket/> ilinniakkanut tulluuttunik atuagaateqарluni aamma ujarlerfiusinnaalluni uani <https://surf.cicero-suite.com/institution/DK-901030>. Ukiut tamaasa atuakkat nutaat pisiarineqartарput qulakkeerniarlugu atuagaateqарfiup piffissanut naleqquttunik ilisimasassanut isissutaasinnaanissaa kiisalu perorsaанermut isumaginninnermilu ilinniakkanut tulluuttunik tapertaasinnaasunik katersukkat ilaqarnissaat qulakkeerniarlugu.

Ilinniartunik apeqqarissарnerit, pingaartumik bacheloritut ilinniartunit ilinniakkamik ingerlatsinerminni naammassiartulersunit, kissaatigisatut taaneqарpoq atuakkat nutaat annertunerusumik pigineqartariaqарnerat bacheloritut suliasamik suliaqарnermi atogassanik.

Sinerissami illoqарfinni allani PI/SPS-ip immikkoortortaqарfiini illoqарfimmi atuagaateqарfiit atorneqartарput, immikkoortortani isumassarsiorfissat atuakkat pisiortorneqartарlutik, aamma eReolen aqqutigalugu atortussanik pissarsinissaq periarfissaavoq.

55. Ilinniartitsinerмик ingerlataqарnermi aamma inerisaанermi ilisimasanik avitseqatigiinnissaq siunertарlugu PI/SPS nammineq aqqissuussaqарpoq. Taakku aqqissuussat ilinniарfiup nammineq serveriani inissinneqarsimapput, tassanilu atortussat toqqorneqарlutillu ilinniartitsisut akunnerminni agguaattарpaat ilinniарnermi ingerlatani assigiinningsuni.

Immikkoortortaqарfinni minnerni immikkoortortaqарfiit akornanni ilisimasanik avitseqatigiinninnissaq tunaartарlugu ataatsimoorussamut serverimut iserniarnermi PI/SPS unammilligassaqartарpoq. Immikkoortortaqарfinni minnerni tapersersoqatigiinniarluni iliuuseqartoqartарpoq ilinniartitsinerup pilersarusiornerata piviusunngortinneqарneratalu ullut tamaasa oqaluserinerisigut. Immikkoortortaqарfiit akimorlugit oqarasuaatikkuт aamma videokonferencekkut ataatsimiittoqartарpoq aamma immikkoortortaqарfiit akornanni tikeraartoqарsinnaalluni suliasaq alla peqqutaalluni atorfeqарnermut atatillugu angalasoqарnissaa pisariaqaleraangat, soorlu sungiusarluni sulinermut atatillugu tikeraarnissaq pisariaqaleraangat.

Isumaginninnermi ikiortitut ilinniarnermi ilinniartitsisut aamma najugaq qimannagu perorsaanermik ilinniarnermi ilinniartitsisut ukioq allortarlugu immikkoortortat akimorlugit naapittarput, tassanilu ilaatigut ilinniakkamut aaqqissuussinnermut tunngatillugu inerisaanerit pisarlutik.

Aaqqissuussinikkut aamma ilikkagassatigut ullut immikkut sammisaqarnermut atorneqartartut ukioq allortarlugu Ilulissani ingerlanneqartarput, tassanilu PI/SPS-imi sulisut tamarmik sulisunut aaqqissuussinnerit pillugit katersuuttarlutik. Taassuma saniatigut ataatsimoorussanut inerisaanernut peqataasutut piginneqataasutullu misigisimanissaq qulakkeerniarlugu najuulluni ataatsimiinnerit pisariaqartitsineq naapertorlugi aaqqissuunneqartarput. Piginnaasaqarfinnut tunngatillugu ataatsimoorluni isumassarsiornissaq siunertarlugu ukiut tallimakkaarlugit nunatta avataanut suliffeqarfinnut pulaarnertalimmik angalaarnissamut PI/SPS qinnuteqartarpoq.

56. PI/SPS-ip ilisimasanik avitseqatigiinnermut atortui siornatigut First Class-imik atortoqarsimasut maannakkut Office365, Outlook, Sharepoint-imik teknikkikkullu amerlanernik periarfissaqartumik atortoqarput. Sulisut immikkoortut assigiinngitsut ilisimasanik allassimasunik avitseqatigiinnissamut periarfissaat atortup nutaap iluani suleriaaserineqarsinnaasut PI/SPS-ip ujartuleruttorpai, taamaaliornikkut paasissutissat tamarmik qarasaasiakkut aaneqarsinnaangussapput serverinullu immikkoortunut isernissamut akuersissuteqaqqaarnissaq pisariaarutissalluni.

Ilinniartunut atortussiat ilinniartunit aaneqarsinnaasut Ilulissani qarasaasiami immikkut inissinneqarsimapput. Maannakkuugallartoq ilinniartut taamaallaat Ilulissaniikkunik, imaluunniit qarasaasiakkut usb-mut nuussereersimannikkunik, paasissutissat aasinnaavaat. Attaveqaatissap siunissami internettikkoortunngornissaa naatsorsuutigineqarpoq, taamaalillutik ilinniartut internettikku isernermikkut ilinniartitsinnermi atortussanik aallersinnaangussallutik.

PI/SPS-ip atortoq Lectio ingerlatsinnermi atortoraa PI/SPS-imilu ilinniartunut attaveqaateqarfittut atortarlugu.

PI/SPS-imi ilinniarluarsimasunik ilinniartitsisoqartoq naliliisut nalilerpaat, ilinniartitsisullu ilinniagaqarnermikkut qaffasissusaat ilinniartitsiffigisaannit qaffasinneruvoq.

Aamma ilinniartitsisut piginnaaneqarnerisa inerisarneqarnerat periarfissat amerlasuut iluanni ingerlanneqarluni uppersaatissaqartoq naliliisut nalilerpaat.

Kiisalu atortorissaarutit aamma atortut piginnaaneqarnerup inerisarneqarnerani ilisimasanillu avitseqatigiinnermi ikorfartuutigineqartut aaqqissuulluagaasuusut tamanillu atorneqarsinnaasuusut naliliisut nalilerpaat.

57. Ilinniakkat aamma pikkorissartitsinnerit nunatsinni ingerlanneqartartut nunat assigiinngitsut akornanni pitsaassutsimut malittarisassat tunngavigalugit

pitsaassutsimikkut qulakkeerneqartarnissaat PI/SPS-ip sulissutigaa, ukiunilu arlalissuarni, pingaartumik Danmarkimi ilinniarfinnik assigiinningsunik, ilinniakkat pilersaarusernerisigut sinaakkusiinermi suleqateqartarluni.

Ilinniarfinnik allanik suleqatigiinnerit Kalaallit Nunaanni Inuussutissarsiutinik Ilinniarfiit (KNII) sinaakkutaata iluani ilaatigut pisarpoq. Siulersuisut aamma pisortat ukiumoortumik ataatsimiittarput suliniutillu soorlu piginnaaneqarnerup inerisarneranut, digitalinngortitsinermut, inuusuttuunermut, ilinniartunut tunngatillugu qinnuteqarnermut, naamassinninnermut aamma taamaatitsinermut tunngasut suliniutinut aalajangersortarlugit. Suleqatigiinnerup tamatuma ilaatigut kinguneraa 2019-imi ukiakkut ilinniartut atuagarissaarnerat pillugu misissuisoqarnera²¹.

PI/SPS-imi inuussutissarsiutinik ilinniartitsinerit pingaartumik isumaginninnermi ikiortitit ilinniarnep SOSU Østjylland ukiuni amerlasuuni suleqatigaa, taannalu Danmarkimi perorsaaneermi assistentitit ilinniarnep assinguvoq. Inerisaanermik suliniutit, ilinniakkamut aaqqissuussinerit pillugit suleqatigiinnerit, ilinniartitsisullu paarlaateqatigiinnerat pillugu tikeraartoqartarsimavoq. 2019-imi aallartittumik NordPlus-ikkut suliniut “Læring på Tværs” isumaqatigiissutigineqarpoq, tassanilu nutaaliornermik aamma pitsaassutsimik inerisaaneq siunertarineqarpoq.

58. Suliffeqarfinnut ilisimatusarnermik aamma inerisaanermik avatangiiseqartunut atassusiinissaq PI/SPS-ip suliffeqarfittut periusissiaminut ilaatippaa. Ilinniaqqinnerit aamma pikkorissartitsinerit pillugit Danmarkimi ilinniarfiit VIA University College, University College Syddanmark aamma University College Nordjylland qanittumik suleqatigineqarput. Perorsaaneermik suliaqarnermut tunngatillugu ilinniarnep ineriartortitsineq aamma ilisimatusarnermik tunngaveqarnek suleqatigiinnermi ilaatinneqarput.

Danmarkimi suleqatigineqartut saniatigut UArctic aamma Sámi University of Applied Science aqutugalugit PI/SPS-ip alaatsinaatarai isumassarsiorfigisarlugillu ilinniarfiit assingusut nunani issittuni allaniittut.

59. Ilisimatusarnerup aamma inerisaanermik suliaqarnerup qaffasinnerusumik ilinniartitaanernut, pingaartumik ilisimasat tunngaviussanut, pingaaruteqarnerat PI/SPS-ip arajutsinaveersaarpaa. Ilisimatusarneq aamma inerisaaneq pillugit PI/SPS-ip ilisimatusarfik aaqqissuussamik isumaqatigiissuteqarfiginngilaa, kisianni qaffasinnerusumik ilinniartitaanerit pillugit inatsisip nutaap aamma ilinniarnep nutaat marluk pillugit Ilisimatusarfiup malinnaasunut peqataanissaanik isumaqatigiissuteqarnikkut nunatsinni perorsaaneermi inerisaanermilu ilisimatusarneq inerisaanerlu pillugit suleqatigiinnissaq ammaanneqarpoq. Isumaginninnermi siunnersortinngorniarluni ilinniarnep, ilinniartitsisunngorniarnek aamma peqqissaanermik ilinniarnep pineqarput. Nuummi Ilisimatusarfimmiittunillu assingusunik ilinniarnep ilisimasanik ineriartortitsinissaq pillugu suleqatigiinnissaq suli aallarnerneqanngilaq.

Ilisimatusarfik aamma UArctic peqatigalugit isumaginninnerup iluani ilisimatusarneq pillugu ilinniakkatigut ataatsimoorussaqaarnikkut suleqatigiiffeqaarnissaq PI/SPS-ip siunniussaraa, taannalu piginnaassuseqarnerup kivinneaqaarnissaanut aamma ilisimasat

²¹ Ilinniartut atuagarissaarnerat pillugu misissuineq, Perorsaaneermik Ilinniarfik, Ennovo, 2019

issittumut/kalaallit avatangiisaannut inissinneqarnissaannut perorsaannermik ilinniakkanut iluaqutaasussamik tapersiissaaq. Suliarli aasaat aallartisarneqalerpoq.

PI/SPS-ip ilinniarnertit neqeroorutai tamarmik oqaloqatigiinnermik tunngaveqarnerat aamma suliffeqarnermut tulluuttuunerat aammalu ukiuni aggersuni taamatut qaffasissuseqartunik ilinniakkanik pisariaqartitsineq annertusiartussasoq naliliisut nalilerpaat.

Nunatsinni ilinniarninnut allanut suleqatigiinnerup nalinginnaasup ineriartoqqinnissaa, pingaartumillu ilinniartitaanerit sivisunerusut pillugit PI/SPS-ip, Ilisimatusarfiup aamma nunat assigiinnngitsut akornanni/nunani avannarlerni ilinniarninnik assingusunik suleqateqarnerup annertusarnissaa naliliisut innersuuppaat.

60. Perorsaasutut sammiveqartumik bacheloritut ilinniarnermi ilisimatusarnermut atassusiilluni inerisaaneq immikkut pingaaruteqarpoq, tassani ilisimatusaatinut teoriit ilinniakkat ilagaat aammalu bacheloritut suliassami piumasaqaataalluni.

Bacheloritut qaffasissuseqartumik ilinniarnermi ilisimatusarnermik aamma inerisaannermik tunngavilimmik ilisimasamik tapertaqarsinnaanerup aamma atuisinnaanerup ilinniartut siunissami perorsaasutut pikkoriffeqarlutik sulinissaat tapersertarpa.

Ilinniakkamut aaqqissuussinermi allassimavoq ilisimatusaatinut teoriinik ilinniartitsisoqartassasoq siunertaralugu ilinniartut malinnaaffigissinnaalissagaat, atorsinnaalissagaat aamma peqataaffigissinnaalissagaat perorsaanerup iluani misileraanermik, inerisaannermik aamma ilisimatusarnermik suliaqarneq.

Piffissami itisiliinermi, immikkut alaatsinaataqarluni sungiusarluni sulinerup siulianiittumi, suleriaatsit ilisimatusaatinut teoriiniittut ilinniartup ilaatissagai aamma allassimavoq. Sungiusarluni sulinermi inerisaalluni suliniuteqarnermi sungiusarluni suliffigisami aallartinneqarsinnaasunut apeqqutinut tunngasut ilinniartup sammissavai.

Kiisalu bacheloritut suliassamut siunertami allassimavoq ilinniartup piginnaasaqarfigilissagaa ilisimasamik ilisimatusarnermik tunngavilinnik katersineq, suliaqarneq aamma atuineq.

Bacheloritut suliassamik misissuinerup, naliliisut ingerlataata, takutippaa perorsaasuunerup iluaniittut qitiusumik teoriit sulinerumullu tunngassuteqartut ilinniartut paasisimasaqarfigigaat aamma ilisimasat ilisimatusarnermik tunngaveqartut ilinniartut suliarninni aamma misissorneqartussaq pillugu ilisimasanut tunngatillugu periuserineqartussaq pillugu isumaliuteqarnerminni atoraat. Ilisimasaq misissorneqartussaq “matup silatinnguaniittoq” atorneqqakkajuppoq.

Bacheloritut suliassani misissorneqarsimasuni tamani ilinniakkamut aamma suliffigiuaagassani perorsaanerup iluaniittunut amerlasuunut qulequttat tulluurtut sammineqarput. Qulequttat meeqqamit, inersimasumit navianartumiittumit,

angajoqqaatut piginnaaneqarnermit, perorsaasutut suliassap iluani perorsaasutut unammilligassanit perorsaanermi periutsinut nutaanut alaatsinaannissamut tunngapput.

Bacheloritut suliassat qassiit nunat assigiinngitsut akornannut isigisuupput, assersuutissaqarluarporlu ilisimasanik misissorneqartussanik katersinernik Danmarkimiittunik aamma nunatsinneersunik sanilliussilluni misissugassanik pitsaasunik.

Bacheloritut suliassami piumasaaqatit tamakkerlugit ilinniartut nalinginnaasumik naammassisimavaat, sammisamik misissorneqartussamik oqaatigininneq, teorii, paasiniaaqqissaarneq, ilisimasaq misissorneqartussaq, oqallinneq aamma sammisamik sammivinnik assigiinngitsunit isiginninneq. Najoqqutassat nutaanngitsut aamma nutaat atornerqarput.

Bacheloritut suliassami qaffasissuseq naammaginarpoq Danmarkimilu atorfinissutaasinnaasumik bacheloritut ilinniarnermi sulianut naleqqiunneqarsinnaalluni.

Ilisimatusarnermik aamma inerisaanermik suliaqarneq bacheloritut ilinniarneq pillugu ilisimatusaatinut teoriinut, aalajangersimasumik sungiusarluni sulineq sioqullugu itisilerinermi, sungiusarluni sulinermi kiisalu bacheloritut suliassami immikkoortumi naammaginartumik allaaserineqarsimasut naliliisut nalilerpaat.

Ilinniagassani ataasiakkaanut qulequttanullu atatillugu ilinniartut ilinniarnerminni namminneq inerisaallutik suliaqarnerminni suli tapersorneqartarnissaat naliliisut innersuutigaa.

61. Bacheloritut ilinniarnermut ilinniakkamut aqqissuussinermi allassimavoq ilinniartunik paarlaateqatigiinneq nunallu assigiinngitsut akornannut nalimmassarneq, taamaaliornikkullu pinngitsuugassaannngitsumik nunani allani sapaatit akunnerini marlunni ilinniartoqartassaaq. Nunami allamiinneq piareersarneqarlunilu naliliiffigineqartassaaq. Piareersarnermi qulequtaqarluni ilinniartitsineq ilaatinneqassaaq kulturimik paasisimasaqarneq kulturillu naapinnerat perorsaasutut sulinermut tunngasoq. Ilinniartup ilinniartoqatiminut saqqummiussaa, perorsaaneq kulturilu pillugit eqqarsaatinik alaatsinaataqartoq, naliliinermi ilaatinneqartarpoq.


Nunani allani ilinniakkamik misiliinerit tunngaviit aalajangersarneqarsimasut naapertorlugit ilinniakkamik misiliiffissaattut PI/SPS-ip akuerisimasaani aamma ilinniartut periarfissaqarput.

Nunat assigiinngitsut akornannut nalimmassarnerup qaffasissusia tulluartaulluni nunarsuup sinneranut isigisumik ilinniartitsinermi periuseqarnermut, ukiuni kingullerni nunatsinni ilinniartitsinikkut periusissiani allassimasumut, naapertuuttoq naliliisut nalilerpaat.

TUNNGAVIK 3 – ILISIMASATIGUT, PIKKORISSUTSIKKUT PIGINNAANEQARNIKKULLU NAATSORSUUTIGINEQARTUT

62. Danmarkimi ilinniartitaanermut attaveqarfeqarnissaq nunatsinni ilinniartitaanermi ilequuvoq, nunatsinnillu aallaaveqartumik ilinniarnert qaffasissusaat ilinniarnermilu ilisimasatigut, pikkorissutsikkut piginnaaneqarnikkullu naatsorsuutigineqartut nunatsinni aallaaveqartut European Qualifications Framework-inullu unnersuussisut immikkut suliarineqarsimangillat. Inuuneq naallugu ilinniarneq pillugu Danmarkimi ilinniartitaanerit qaffasissusaat ilinniartitaanermilu ilisimasatigut, pikkorissutsikkut piginnaaneqarnikkullu naatsorsuutigineqartut PI/SPS-ip malippai.

Europami ilinniartitaanerit qaffasissusaat ilinniartitaanermilu ilisimasatigut, pikkorissutsikkut piginnaaneqarnikkullu naatsorsuutigineqartut malillugit ataani skemami takussutissiamut PI/SPS-ip ilinniarnert ingerlatani inissippai. Ilinniakkamut aaqjissuussinerni allaatigisat aallaavigalugit naliliisut tamanna akuersissutigaat.



Assiliartoq 2 PI/SPS-imit suliarineqarsimasoq

Ilinniarnerni tamani ilinniakkanut aaqjissuussinerni tamanna nalinginnaasumik takuneqarsinnaavoq, tassami ilinniakkanut aaqjissuussinerni anguniakkat pillugit allaatigisani atorneqarmata taaguutit assigiissut nassuiaasikkat, tassani ilisimasatigut piginnaasatigullu anguniakkat ilinniakkamit ilinniakkamut siuariartortillugit allaatigineqartarput, taamaalillunilu ilinniarnert qaffasissusaat ilinniarnernilu ilisimasatigut, pikkorissutsikkut piginnaaneqarnikkullu naatsorsuutigineqartuni siuariartorneq aamma takuneqarsinnaalluni.

Ilinniakkanut aaqjissuussinerit ilinniakkanullu assigiinngitsunut quppersagaliarineqarsimasut paasissutissaqarluartunik ilinniakkat allaaseraat, taassuma imarisaa aamma ilinniarfimmu sungiusarlunilu sulinermut inatsisitigut tunngavigineqartunik allaatigisaqarluni. Ilinniakkanut arlalinnut ilinniakkat pillugit quppersakkat ilinniartunut aamma ilinniartitsisunut nutaanut iluaqutissatut tapertarissallugit piukkunnarluarput.

Pingaartumik piginnaaneqarnerit tungaatigut ilinniartup, ilinniagaq apeqqutaatillugu, ilinniakkamik ingerlatsinermini piginnaanerit arlallit ataatsimoorussat angusimassavai::

- ilinniartitsissutini ilisimasat aamma perorsaaneramik piginnaaneqarneq
- aaqqissuussanik misissueqqissaarnissamik piginnaaneqarneq
- suleqateqarsinnaaneramik piginnaaneqarneq aamma inoqatinik peqateqarsinnaaneramik piginnaaneqarneq
- attaveqatigiissinnaaneramik piginnaaneqarneq
- eqqarsarsinnaaneramik aamma ineriartorsinnaaneramik piginnaaneqarneq
- kulturini assigiinngitsuniissinnaaneramik piginnaaneqarneq

Taakku piginnaaneqarnerit ilinniakkanut aaqqissuussinerni allaatigineqarput, ilinniakkanullu bachelorit qaffasissuseqartut inuuneq naallugu ilinniarneq pillugu Danmarkimi ilinniartitaanerit qaffasissusaat ilinniartitaanermilu ilisimasatigut, pikkorissutsikkut piginnaaneqarnikkullu naatsorsuutigineqartunut piumasarianik naammassinnillutik. Ilisimasatigut, pikkorissutsikkut piginnaaneqarnikkullu naatsorsuutigineqartut Europami bachelorit qaffasissuseqartumik perorsaasutut ilinniarnermi piginnaaneqarnerit allaaserineqarnerannut taamaattumik naapertuuttunngortinneqarput, aamma najugaq qimannagu perorsaaneramik ilinniarneq akademini qaffasissusermut qanippoq.

Ilinniakkani allani piginnaaneqarnernik allaatigisat naammattutut nalilerneqarput qulaanilu iluseq assigalugu allaatigineqarlutik. Ataqaatigiinnerat anguniakkanik allaatiginninnerni ilinniakkanut aaqqissuussinerni kingullerni ilinniarnernut taakkununga erseqqissunngortinneqarpoq.

Assigiinngitsut ilinniarnernit ingerlaneranni aamma ilinniakkat akornanni siumukariartorneq PI/SPS-imi sulinermit tunngavigineqarpoq, taamaalillutik ulluunerani meeqqanik sullissinermi ikiortinngorniarnermi ilinniarnernit qaffasissusaat ilinniartitaanernilu ilisimasatigut, pikkorissutsikkut piginnaaneqarnikkullu naatsorsuutigineqartuni qaffasissuseq 3 aallaavigineqarpoq, isumaginnermi ikiortitit ilinniarnermi qaffasissuseq 3 aamma 4, socialassistentit ilinniarnermi qaffasissuseq 4. Qaffasinnerusumik ilinniartitaanerni ilikkagassatut anguniakkani ilinniartitaanerit qaffasissusaat ilinniartitaanernilu ilisimasatigut, pikkorissutsikkut piginnaaneqarnikkullu naatsorsuutigineqartuni qaffasissuseq 5 aamma 6 aallaavigineqarput. Ilinniakkanut ataasiakkaanut ilikkagassatut anguniakkat ilinniakkanut aaqqissuussinerni quppersakkanilu oqaasertaliorneqarput.

63. Ilinniarnernit ilusaanni teoriinik sammisaqarnerit aamma sungiusarluni sulinerit nikerartinneqarput, taamaalilluni ilisimasaq ilinniarnermi sammisimasartik sungiusarlutik sulinerminni misilerarsinnaavaat taamatullu sulinermit misittakkat teoriinik sammisaqarnermi ilaatinneqarsinnaallutik. Taassuma saniatigut immikkoortortaqaarfiit tamarmik qanittumik najukkami ulluunerani paaqqinnittarfiit aamma ulloq unnuarlu paaqqinnittarfiit attaveqarfigineqarlutillu suleqatigineqartarput, taamaalillutik ilinniartut isersinnaaniassammata periarfissaqarniassammatalu ilisimasamut misissorneqartussamut tunngatillugu sulinermit ingerlataqartut peqataatinnissaannut, aamma suliniutinik ingerlatsinermit ilisimasatigut, pikkorissutsikkut piginnaaneqarnikkullu naatsorsuutigineqartunik anguniakkat assigiinngitsut peqataatinnerisigut pissarsinissaq annertusarniarlugu.

Sungiusarluni sulinermi ilinniartitsisut sungiusarluni sulinerup siornatigut, piviusunnngortinnerani aamma kingornatigut ilinniartunit utertitsiffigineqartarput, allaatigineqartarlunilu utertitsiffiginninneq ilinniartitsinerni qanoq ilanngunneqarsinnaassanersoq. Tamatuma sungiusarlunilu suliffinnut pulaarnerit aamma itisiliilluni allaatigisap, PI/SPS-imi pisortat suliarisimasaata, suliffeqarfiit atorfiniffiusartut ingerlaavartumik allanngoriartornerannut pisariaqartitaannullu ilinniartitsisoqartannginneranik isornartorsiuneq taamaaliornikkut akuersaarneqarluni iliuuseqarfigineqarpoq.

Perorsaasutut ilinniagaqarsimasoq ilinniartup sungiusarluni sulinerani ilitsersuinnermut akisussaasutut ivertinneqartarpoq, sungiusarlunilu sulinermi ilitsersuisutut akuersissutigineqartarput sungiusarluni sulinermi ilitsersuineq pillugu pikkorissartitsinermik naammassisaqarsimasut.

Inuussutissarsiutinik ilinniartitsinerni ilinniartitsinerit pilersaarusioneqartarput ilinniartitsissutissat teoriinik sammisaqariartornerni ataasiakkaanni ingerlanneqartussat imarisaasa allaatiginerisigut.

Isumaginninnermi ikiortitut ilinniarnermi ilinniartitsinermut pilersaarutit suliarineqarsimapput, taakkunanilu ilinniartitsinermi sinaakkutissat pingaarnerusut inissinneqartarlutik.

Socialassistentitut ilinniarnermi arajutsinaveersaarneqartarput nammineersinnaanermut, eqqarsarsinnaanermut aamma iliuuseqarsinnaanermut annertunerusumik naatsorsuutigisaqarnissaq, taakkulu qaffasinnerusumik ilinniartitaanernut piareersarnermi ilikkagassatut anguniakkani pingaaruteqartut ilagaat. Tassunga atatillugu, 2019-imi ukiakkut, imarisanut tunngatillugu allanngortitsisoqarpoq, taamaaliornikkullu ilinniakkami aallaavigineqalerlutik perorsaanermik suliaqarnermi sammiviit pingasuusut: Nalinginnaasumik pædagogikki, Pædagogikkimi psykologii aamma Pædagogikkimi sociologii.

Najugaq qimannagu perorsaanermik ilinniarneq pilersaarusioneqarpoq ilinniartut ilinniarnermi nalaani atorfeqaannarnissaat aallaavigalugu aamma/imaluunniit sivikinnerpaamik ukiuni marlunni sulinermik misilittagaqarnissaat. Ilinniartitsinermi aallaavigineqartarput maannakkut pisuni qulequtarineqartut, ilinniartitsisoqatigiit ataaseq – marluk qanimut suleqatigiittarlutik, taakkulu ilinniarnepup tamarmiusup ingerlanerani peqataasarlutik. Ilinniartut qanillisimasarpaat immikkoortortaqqarfinnilu ilisimasatigut, pikkorissutsikkut piginnaasaqarnikkullu naatsorsuutigineqartut pillugit ingerlaavartumik ilinniartut peqatigalugit nalilersuisoqartarluni.

Perorsaasutut sammivilimmik bacheloritut ilinniarnermi ilinniakkamik ingerlatsineq semesterit aallaavigalugit immikkoortortani pingaarnerni allaaserineqarsimavoq.

Ilinniakkani assigiinngitsuni ilinniartitseriaatsit suleriaatsillu allanngorartut allaaserineqarput, taakkulu ilikkagassatigut pissarsiaqassagaanni tulluurtutut nalinginnaasumik nalilerneqarput ilinniartitsissutinilu allaatigisani anguniakkaniillutik.

Ilinniartitsissutissat aamma qulequttat sammineqartussat ilusaat assigiinngitsunik allaaserineqarput ilaatigullu ilaat itisiligaasaratik.

Ilinniartut suliassaqaassusiat ilinniakkani assigiinngitsuni ilinniakkanut aqqissuussinerni assigiinngitsumik nalunaarutigineqarpoq, qaffasinnerusumillu ilinniartitaanerni ECTS-ip najoqqutassaa atorineqarluni. Suliassaqaassuseq semesterinut ilinniarfiusunut naligiimmik inissitsiterlugu allaaserineqarpoq. Tamatuma sapaatip akunneranut nalilertarnissaa ajornakusoorpoq, ilinniartulli apeqqarissaarnermi ilinniarnermi suliassaqaassuseq tamarmiusoq qaffasinnerungaatsiarloq oqaatigaat.

Ilinniarnertit ingerlanissaat allaaserilluagaasoq aamma anguniakkat allaaserineqarsimasut erseqqissumik oqaasertalersuilluni aalajangersimasumillu atuisoqarsimasoq taaguummik ilisimasamik, paasisimasamik, paasinninnermik aamma piginnaaneqarnermik naliliisut nalilerpaat. Suleriaatsit aamma ilinniartitseriaatsit naammaginartuusut ilinniartunut allaaserineqarput.

TUNNGAVIK 4 – ILINNIARNERMIK PILERSAARUSIORNEQ PIVIUSUNNGORTITSINERLU

64. Ilinniartut ilinniartitsisullu sulinerminni aamma ilinniagaqarnerminni pitsaasunik avatangiiseqarnissaat, sanaartukkatigut sinaakktissaqarluarnissaat aamma atortorissaaruteqarluarnissaat PI/SPS-ip assut pingaartitaraa.

Pikkorissartitsinerit Ilulissani PI/SPS-imi sapinngisaq malillugu ingerlanneqartarput. Nunatsinni piffinni allani init, ataatsimiittarfiit, ataatsimiittarfiit kommunimit atukkiunneqarsimasut, imaluunniit PI/SPS-ip nammineq immikkoortuineersut atorineqartarput, tamanna ilinniakkami teoriinik ilinniartitsinerup pilersaarusiornernut akornutaanngikkaangat.

PI/SPS-ip sinerissami immikkoortortaqaarfii mikipput, taakkunungalu tunuliaqutaasarlutik sanaartukkat aamma init ilinniartitsiviit atorineqartut pillugit kommuninik isumaqatigiissuteqarnerit. Immikkoortortaqaarfiit Qaqortumut, Maniitsumut, Sisimiunut aamma Nuummur inissinneqarsimapput. Ilinniartitsineri sinaakktissat pilersaarusiornermut pingaartuupput, immikkoortortanilu mikisuni ilinniartitsinerup pinnginnerani ilinniartitsisut suliassat assigiinngitsut namminneq isumagisarpaat.

PI/SPS-ip qullersaqarfia nutaaliani nutaanilu sanaartukkaniippoq atortorissaaruteqarlunilu, taakkulu sulineri ilinniarnermilu avatangiisinik ilinniartitsinerup saniatigut ilinniartunut inissianik, kafémik, atuagaateqarfimmik, ilinniarneq pillugu ingerlatsivimmik aamma ilinniarneq pillugu ilitersuisarfimmik sinaakktissiipput. Ilinniartitsisut allaffeqatigiittarput ulluinnarni suliffigisamik qanitaanniittuni, taamaallutik ulluinnarni ingerlaneq, ilinniartitsissutit akimorlugit qulequttat il.il. pillugit siunersiueqatigiissinnaallutik. Tamanna ilinniakkap ataatsip iluani aammali ilinniakkat akimorlugit pisarpoq.

65. Pikkorissartitsinerit ilinniakkallu pilersaarusioneqarneranni piviusunngortinneqarnerannilu sinaakkutit ilinniakkanut aamma qaffasissutsinut ataasiakkaanut naleqqussarneqartarput.

Isumaginninnermi ikiortitut ilinniarnermi aamma najugaq qimannagu perorsaanermik ilinniarnermi ilinniartut ilitsoqqussaralugu oqaasii – kalaallit oqaasii, ilinniartitsinerimi atorneqartarput, najoqqutassallu kalaallisut allaqqasut sapinngisamik aallaavigineqartarlutik. Ilinniakkami kingullermi taaneqartumi allamiut oqaasiinik allasimasunik najoqqutassanik nammineerluni ilinniarnissaq naatsorsuutigineqarpoq ilinniartitsissutini teoriinik ilisimasat qaffasissusiat qulakkeerniarlugu. Ilinniakkani pineqartuni tamani soraarummeerutissat suliaakkiissutigineqartut kalaallisut allanneqartarput.

Socialassistentitut ilinniarnermi aamma perorsaasutut ilinniarnermi ilinniartitsinerimi danskit oqaasii annertunerik atorneqartarput – socialassistentitut ilinniarnermi ilikkagassatut anguniakkat ilaatigut danskit oqaasiinik pisinnaasanik pikkorissaqqinneq perorsaasutut ilinniarnermut tiguneqarnissaq tunaartaralugu. Ilinniartut soraarummeernissamut danskit oqaasii atorlugit suliarineqarsimasut tunniuttarpaat. Perorsaasutut sammivilimmik bacheloritut ilinniarnermi oqaluttariarsorluni soraarummeernerit danskit oqaasii atorlugit ingerlanneqartarput oqaatsinik pikkorissuseqarneq ilikkagassatut anguniakkaniimmat. Perorsaasutut ilinniarnermi oqaluttariarsorluni soraarummeernermi oqalutseqarsinnaaneq periarfissaasarpoq, ilikkagassatut anguniakkat oqaatsinik piginnaasaqarnermut atassuteqanngimmata, kisianni taamaallaat pingaartinneqarput perorsaasutut suliaqarnermi ilikkagassatut anguniakkaniittut ilisimasassat, pikkorissuseq aamma piginnaaneqarneq.

66. 2019-imi ukiakkut perorsaanikkut ilikkartitseriaatsikkullu ataatsimut tunngaveqarnissaq pillugu inerisaaneq ilinniartitsisut aallarnerpaat. Perorsaanikkut ilikkartitseriaatsikkullu sammisaqarnermi ilinniartitsinerimik ilikkartitsinermillu ilinniarfiup suliaani tamani aalajangersimasumik periuseqalerneq tamatuma kinguneraa.

Socialassistentitut ilinniarneq aamma bacheloritut ilinniarneq akimorlugit ilinniartitsisut suleqatigiikkuutaarnissaat inerisarneqarpoq, ilinniartitsisut assigiinngitsuni suleqatigiinneersut qulakkiissavaat atuaqatigiinni assigiinngitsuni sammisaqarlunilu suliniuteqarnerni ilinniakkami ataqatigiissoqarnissaa.

67. Ilinniartut Siunnersuisoqatigiiffianik aamma ilinniarnermi avatangiisit pillugit ataatsimiititaliamik patajaatsumik pilersitsinikkut PI/SPS-ip anguniarpaa ilinniartut akuutinneqarnerata aamma ilinniartut oqartussaaqataanerata sallinngortinneqarnissaa. Ilinniartut ilinniakkanit aallartitaasa siulersuisut sulineranni, periusissiornermi aamma ilinniartut atugarissaarneranni PI/SPS-imi “ilinniartunit” isigalugu saqqummiunneqarluni peqataatinneqarnissaa kissaatigineqarpoq.

Ilinniartut peqataatinneqarnissaannik nukittorsaanermi ilaatigut unamminartuuvoq PI/SPS-imi ilinniakkat paarlakaattumik ilinniarnertut aaqquissuussaanerata, taamaattumillu sivikitsunik teoriinik sammisaqarnerit sulinermillu sungiusarnerit aamma ilinniartitsinerit sulinermillu sungiusarnerit qaleriittoortarnerat pissutaallutik eqqoruminartuullutik.

Sinaakkutit aamma atortorissaarutit ilinniakkanik pilersaarusionermit piviusunnortitsinermullu ilinniakkat naammassineqartarnissaannut tunngavigineqarnissaat ilinniarfimmilu naammassiffiusussami periarfissat aallaavigalugit tassani PI/SPS-ip salliutikkai naliliisut nalilerpaat.

Ilinniartitsineq ilinniakkani assigiinngitsuni ilinniartitsisut akunnerminni ataatsimoorussamik perorsaaniikkut suliniuteqarnerannik aallaaveqartoq naliliisut aamma nalilerpaat. Ilinniartut siunnersuisoqatigiivini ilinniarnermilu avatangiisit pillugit ataatsimiititaliami ilinniartut atajuartumik aamma pimoorussillutik sulinissaat PI/SPS-ip sulit sulissutigaa, tassanilu ilinniartitsisut ilaat ataatsimiititaliami tapersiillutik ilinniakkamik ingerlatsiinnarnissaq piviusunnortitsinissarlutik suleqataaffigaat.

68. Ataatsimiinnissamik isumaqatigiissuteqarnikkut Ilulissani ilinniartunut ilinniagaq pillugu ilitsersorneqarnissaq qangali periarfissaavoq. PI/SPS-ip sinerissami immikkoortortaqaarfiini ilinniartut sianersinnaapput isumaqatigiissuteqarlutillu Skype assigisaaluunniit atorlugu ataatsimiinnissamik.

Ilinniartitsisut, tak. ilinniakkanut aaqqissuussinerit, atuaqatigiinni atugarissaarneq aamma ilinniartitsissutini ilitsersuineq pillugit oqaloqateqartarput. Ilinniagaq pillugu ilitsersuineq aamma ilinniarneq pillugu ilitsersuineq PI/SPS-imi ilinniagaq pillugu ilitsersuisup ilinniakkanik ingerlatsivik peqatigalugu isumagisapaa. Ilinniartitsissutit pillugit ilitsersuineq ilinniartitsisut annertunerusumik isumagisaraat.

Ilitsersuisarnerup tamarmi PI/SPS-imi pimoorussamik nukittorsarneqarnissaa anginiarneqarpoq, tamannalu ilinniartut pingaartutut taavaat, sunniutaalu ilinniartut ilinniarfup ilinniarnerni ilinniakkaminnik naammassinnittartut amerliartornerisigut takuneqarsinnaavoq.

Nuna Tamakkerlugu Ilitsersuisarfik, najukkami ingerlataqartuusoq qanimut suleqatigineqartarpoq, PI/SPS-ilu sinerissami immikkoortortaqaartoq, ilinniartut ilitsersorneqarnissaat pillugu unnersuussuteqarnissamik periarfissaqarpoq, pingaartumik inunnut ataasiakkaanut tunngasut pillugit ilitsersuisoqarnissaanik.

Ilinniakkani ilinniartunut ilitsersuisarneq ilinniakkanut aaqqissuussinerni allaatigilluagaasoq aamma naliliilluni oqaloqatigiinnerit ilinniartut ilinniakkaminnik ingerlatsiinnarnissaannut iluaqutaasartoq naliliisut nalilerpaat.

TUNNGAVIK 5 – ILINNIARFIMMI PITSAASSUTSIMIK QULAKKEERINNINNEQ ILINNIARNERNILLU INERISAANEQ

69. Ilinniartitsisut piginnaaneqarnerannik inerisaaneq pitsaassutsimik qulakkeerinninnermi aamma ilinniarnerni pitsaassutsimik inerisaanermi

pingaaruteqarpoq. Tak. Tunngavik 2 siulianiittoq, ilinniartitsisut piginnaaneqarnerannik inerisaanerit assigiinngitsut suliarineqarput. Ilinniartitsisut ilinniartitsinermik inerisaanerit siunersieqatigiittarnerallu kiisalu ilinniartitsisut assingusunik Danmarkimeersunik aamma Nunani Avannarlerneersunik paarlaateqatigiittarnerat tamatumunnga ilaapput. Aamma pikkorissartitsinernik, pikkorissaqqinnernik ilinniaqqinnernillu ilinniakkaminnik naammassinnereersimasunut ilinniartitsisut suliaqarnerat piginnaaneqarnermik ineriartortitsisarpoq.

70. Ilinniartitsisunik pisinnaasaqartunik sulisussarsisarneq aamma pingaaruteqarpoq. Ilinniartitsisut pisortaasa ilinniartitsisut atorfinitsittarpaat minnerpaatillugu ilinniakkami ilinniartitsiffissaminnit qaffasinnerusumit ilinniakkamik naammassisaqarsimasut. Ilinniartitsisut pisortaasa aamma ileqqorivaat perorsaaneqarnermik aamma pikkorissaqqinnernik ilinniaqqinnernillu ilinniartitsisunut aqqissuisarnertik.


71. Socialassistentitut ilinniartitsisut perorsaasutullu sammivilimmik bacheloritut ilinniartitsisut pillugit naliliinermik paasinninneq aamma tassunga sakkussat pillugit PI/SPS-i inerisaaneqarnermik suliniummik aallarniisimavoq. Suliniut, IT-mik sakkumik Lectio-mik tunngaveqartoq siullermik socialassistentitut ilinniartitsisut aamma perorsaasutut ilinniartitsisut siullermik tunngatinneqarpoq, maannakkullu ilinniakkamik taakkuninnga naliliinermi periusissaq suliarineqareersimalerpoq.

Ilinniartitsisut nammineq nalilerpaa, ilinniakkat pitsaassusaannik qulakkeerinninnermi *ataasiinnarmik* aalajangersimasumik suliaqarnermik ilusilersuisoqartariaqanngitsaq, ilisimasamik avitseqatigiinnermi aamma naliliinerit atornerqarneranni, tassami ilinniartitsisut ilinniaqqinnernillu oqaloqateqarnermigut ingerlaavartumik naliliineq aamma angusaqartitsisarmit ilinniartitsisut suleqatigiit amerlanngitsut akornanni.

72. Najugaq qimannagu perorsaaneqarnermik ilinniartitsisut ilinniakkami ilinniartitsisut ilinniartitsisut qanimut attaveqartarnermikkut ilinniartitsisut pitsaassusaa ingerlaavartumik oqaloqatigiissutigisaraat naliliisut maluginiarpaat. Sapaatip akunnikkaartumik skemanut inissitanik ilikkagassatut anguniakkanit pissarsiat, ilinniartitsisut pilersaaruserneqarnera aamma ingerlanermik naliliinerit oqaloqatigiissutigalugit ataatsimiittoqartarpoq. Ilinniakkamut aqqissuussinnermi sinaakkusiinerit iluanni ilinniartut peqataatinneqarnissaat aamma aalajangeeqataanissaat alaatsinaanneqartarpoq, taamaaliornikkullu sulinermit atassusiinikkut ilinniartut atorfeqarnerat iluaquserneqartarluni.

73. Ulluunerani meeqqanik sullissinnermi ikiortinngorniarnermut aamma isumaginninnermi ikiortitut ilinniartitsisut tunngatillugu immikkoortoq/teoriimik ingerlatsineq ataaseq naammassigaangat oqaluttariarsorluni naliliisoqartartoq naliliisut maluginiarpaat. Oqaloqatigiinnermi aallaavigineqartarpoq skema naliliinermut atugassiaq. Taassuma saniatigut isumaginninnermi ikiortitut ilinniartitsisut piffissap qiteqqunnerani naliliinerit pilersaaruserneqartarput aamma ilinniartut ataasiakkaarlugit ilisimasatigut, pikkorissutsikkut piginnaaneqarnermikullu naatsorsuutigineqartunik pissarsiaat pillugit oqaloqatigineqartarput.

74. Soraarummeernerni assigiinngitsuni tamani censorit ilinniarsiup avataaneersut tamatigut atornerqartarput, Naalackersuisoqarfiup aamma censoreqatigiit akuerisimasaat ataaseq. Naliliinermi aallaavigineqartarput ilinniakkani pineqartuni ilikkagassatut anguniakkani aamma ilinniakkamut aaqqissuussinerni atuuttumi assigiinngitsut allassimasut. Karakteriliisarnermi atornerqartarpoq nunatsinni karakteriliisarnermi tulleriinnilersuineq Greenland Grading System.



Assiliartaq 3 PI/SPS-imit

suliarineqarsimasoq

Assiliartami takuneqarsinnaapput agguaqatigiissillugit ilinniakkani assigiinngitsuni karakteriliisarnerit piffissami 2017-imit 2019-imut.

75. Siornatigut avataaneersunit nililiinerup piviusunnigortinneqarnissaa PI/SPS-ip isumagitissimavaa aamma ilinniakkat pitsaassusaat misissortissimavaa. Perorsaasutut sammivilimmik bacheloritut ilinniarneq 2012-imi avataaneersunit nalilerneqarpoq. Ilinniagaq, taamani misileraalluni suliatut inissinneqarsimasoq, ilaatigut naliliinermi inerniliussat tunngavigalugit maannakkut atorfinissutaasinnaasumik bacheloritut ilinniarnertut Europami ilinniartitaanerit qaffasissusaat ilinniartitaanermilu ilisimasassatigut, pikkorissutsikkut piginnaaneqarnikkullu naatsorsuutigineqartut iluanni inatsisitigut inissinneqarpoq.

Ulloq unnuarlu paaqqinnittarfinni sulisunut diplomimik allagartartaarluni ilinniarneq 2018-imi kingullermik avataaneersunit naliliisoqarpoq siunertaralugu ilinniakkap tamarmik pitsaassusaa tatiginassuseqalersinniarlugu aamma diplomimik allagartartaarluni ilinniarnertit inerisaqqinnissaat anguniarlugu uppersaatinik tunngaveqarluni.

Avataaneersunik taakkuninnga naliliinerni misilittakkat aamma innersuussutit ullumi ilinniakkanik tamani inerisaanerni aamma pikkorissaasarfiup pikkorissartitseqqinnerini ilinniaqqinnernilu suliaani iluaqutigineqarput.

76. Taassuma saniatigut ilinniartitsereernerni ilinniartut naliliinerni PI/SPS-ip suliarisarpai aamma ilinniartut atugarissaarnerannik misissuisimalluni nunatsinni qitiusumik ilinniarsiit allat peqatigalugit. Taassuma kingunerisaanik PI/SPS-imi immikkoortortat suleqatigalugit saqqummiussinissamik aamma oqaaseqaatissanut inissaqartitsinermik alaatsinaataqarluni suliaq aallartinneqarsimavoq. Ilinniartut atugarissaarnerannik misissuinerup ukiumoortumik ingerlateqqinneqartarnissaa pilersaarusiorneqarpoq malitsigisaanillu naleqquttunik suliniuteqartarnissaq naatsorsuutigineqarluni.

77. Pitsaassutsimik qulakkeerinninneq aamma naliliisarneq pillugu PI/SPS-i pingaartumik allakkamik suliaqarpoq. Suliniutinik toqqaannartumik

pingaarnersiuisoqanngilaq, allagarlu aalajangiunneqanngikkallaruni siulersuisunit najoqqutassatut aalajangiunneqanngikkallaruni.

Ilinniakkat pitsaassuseqarnissaannik ingerlaavartumik qulakkeerinninnissaq pillugu pitsaasunik suliniuteqartoq naliliisut naliliipput. Assigiinngitsunik ilusilerlugit suliniutini taakkunani killiffinni aamma piffissap iluani naliliinernik atuineq sakkugineqarpoq. Avataanit naliliinernit misilittakkat aamma innersuussutit ilinniakkanik tamanik inerisaanermi aamma pikkorissaqinnerit ilinniaqinnerillu inerisarneranni pikkorissaasarfimmit atorineqarput.

Nalileeriaatsit atorineqartut tunngavilerneqartutut aamma ilisimasatigut, pikkorissutsikkut piginnaaneqarnikkullu naatsorsuutigineqartut naleqquttutut naliliisut naliliipput.

Ilinniartitsisut piginnaaneqarluartut atorfinitsinneqartarnissaat, ilinniartitsisut piginnaaneqarnerisa inerisarnissaat aamma tamatuma sillimmatissaqartinneqarluni salliutinneqarnissaa siulersuisut, pisortat aamma ilinniartitsisut arajutsinaveersaagarigaat naliliisut naliliipput.

Ilinniartut atugarissaarnerannik misissuinnermut siullermut atatillugu PI/SPS-i suliniutinik takutitsisimasooq naliliisut naliliipput. Ilinniartut ilinniarnermi nalunaarsuiffinnik suliaqarnerisigut, ilinniagaqarneq pillugu ilitsersuinissamik neqerooruteqarnertigut, ilinniaqatigiittartoqarnertigut il.il. akuttunngitsumik pitsaassutsimik inerisaaneq uummarissarneqartarpoq.

Ilinniarnermi sulianut tamanut pitsaassutsimik qulakkeerinninnermut inerisaanermullu pingaarnerusunik malittarisassanik suliaqartoqassasooq aalajangersaasoqassasorlu, aamma pitsaassutsimik qulakkeerinninneq inerisaanerlu pillugit suliaqartussat aamma akisussaasussat paatsoorneqarsinnaanngitsumik ilinniarfimmi aqqissuussinnermi aamma pisortani inissinneqassasooq naliliisut innersuussipput.

Ilinniartut naammagisimaarinninnerannik aamma atugarissaarnerannik misissuinerit qanoq pitsaanagerusumik inerisarneqarsinnaanersut aamma qanoq akulikitsigisumik ilinniakkanut immikkoortortani pisassanersut, aamma ilinniartut misissuineri taamaattuni qanoq peqataatinneqartassanersut isumaliutigineqassasooq naliliisut innersuussipput.

TUNNGAVIK 6 – TAMANUT AMMASUMIK PAASISSUTISSIINEQ

78. PI/SPS-ip sammisai, ilinniarnernit ingerlatai aamma pikkorissaanernit nittartakkamiipput <http://pi.sps.gl/> ersarissumik peqqissaartumillu allaaserineqarlutik. Inerisaanermi sammisat ataasiakkaat, soorlu suliniutini annertunerni suleqatiginneq erseqqissarneqarpoq aamma ilisimasaqarfik allaaserineqarluni. Ilinniarfiup

oqaluttuartassaanut aaqqissugaaneranullu paasissutissat immiunneqarsimanngillat, tamannalu aaqqittariaqarpoq. Paarlattuanilli ilinniarfiup immikkoortortaanut assigiinngitsunut paasissutissaqarpoq, soorlu atuagaateqarfik, nutserisoq, IT, allaffeqarfik aamma café. Taakku pillugit allaatigisami innersuussisoqarpoq immersugassanut immiunneqarsimanngitsunut. Kisianni oqarasuaatikku mailikkullu attavagineqartartussat allattorneqarsimapput.

Ilinniakkani ingerlanneqartuni sammineqartunilu allassimavoq suliffeqarfiit allat suleqatigineqartut, kommunit il.il. nunatsinneersut nunattalu avataaneersut. Ilinniarfiup suleqataanik, nunatta iluaneersumik aamma nunat assigiinngitsut akornanneersunik, ersarinnerusumik allaatigisaqarnikkut ilinniarfiup inissisimanagera inuillu isumaannittaag nukittorsarneqassaaq nunatsinni aamma nunat assigiinngitsut akornanni.

Nittartakkami ilinniakkat allaaserineqartut ukuupput:

- Perorsaasutit ilinniarneq
- Isumaginninnermi ikiortitit ilinniarneq
- Socialassistentit ilinniarneq
- Ulluunerani meeqqanik sullissinnermi ikiortinngorniarneq
- Najugaq qimannagu perorsaaneermik ilinniarneq

Ilinniakkat tallimat pillugit nittartakkami ersarissunik uku pillugit paasissutissaqarpoq:

- Ilinnialernissamat piumasaqaatit aamma qinnuteqartunik tulleriiaarinissamat tunngaviit
- Ilinniarneqartussat imarisaat aamma ilisimasatigut, pikkorissutsikkut piginnaaneqarnikkullu naatsorsuutigineqartut
- Pisinnaasat pissarsiarineqartussat
- Ilinniartitsinnermi naliliinermilu ingerlatseriaaseq, ilanngullugit angusinissamat tunngaviit pillugit paasissutissat
- Atorfeqarnissamat periarfissat

Ilinniakkanut aaqqissuussinernut sungiusarlunilu sulineq pillugu quppersakkanut peqqissaartumik allaaserineqarsimasunut linkeqarpoq.

Nittartakkami pikkorissartitsinerit neqeroortigineqartut allaaserineqarput. Tulleriissillugit allattukkat 2020-mi upernaakkut semeterimut imarisat, ilinniartitseriaatsit, sullinniakkat, qinnuteqarnissamat killigititaq, akiliut il.il. nutarterneqarput, pineqartunullu tunngasunut paasissutissat ilanngunneqarlutik. Allakkatigut aamma qarasaasiakkut nalunaarnissaq periarfissaavoq.

Ilinniarnerit aamma pikkorissarnerit pillugit paasissutissat pingaartut²² nittartakkap imarai. Ilinniartussarsiorneq pikkorissartitassarsiornerlu nittartakkap pingaarnertut imarissallugit siunertarimmagit iluaqutaassaaq ersarissaqqinneqarsinnaappat PI/SPS-imi ilinniartuuneq qanoq innersoq, aamma isumaliutigineqarsinnaavoq PI/SPS-ip suliniutit ingerlanneqartut aamma sammineqartut inerisaanerit amerlanerit

²² European Standards and Guidelines, punkt 1.8 (2015)

allaaserineqarsinnaanersut, taakku takusassaqarnerulernissamut iluaqutaassapput maannakkullu sammineqartunik ingerlaavartumik nutarsaanissamut iluaqutaassallutik.

Aamma isumaliutigineqarsinnaavoq ilinniartuuneq piviusut tunngavigalugit ilinniartut sammisartagaat assersuutigalugit allaaserineqarsinnaanersoq. Tamanna ilinniartut sullinneqartussat ilinniartuup sammisartagaani annertunerusumik alaatsinaanneqarnissaannut iluaqutaassaaq kiisalu ilinniartussarsiornermut aamma suleqatigiinnissamut iluaqutaassalluni.

PI/SPS-imi sammineqartartut tamaasa pillugit attaveqatigiittarnikkut pitsanngorsaasoqassasoq ilinniartunngorsinnaasunut suleqatigisanullu ersarinnerulernissaq siunertaralugu naliliisut innersuussuteqarput.

TUNNGAVIK 7 – 2012-IMI NALILIINERUP MALITSIGISAANIK SULIAQARNEQ

79. Bacheloritut ilinniagaq, misileraalluni aaqqiinertut 2008-mi aallartittoq pillugu naliliisut 2012-imi naliliisut bacheloritut ilinniarnaq pillugu innersuussutitalimmik nalunaarusiorput.

Naliliinermi innersuussutit ataani allassimapput:

- *Tassunga tunngatillugu ilisimasatigut, pikkorissutsikkut piginnaaneqarnikkullu naatsorsuutigineqartut Europami ilinniartitaanerit qaffasissusaat ilinniartitaanermilu ilisimasatigut, pikkorissutsikkut piginnaaneqarnikkullu naatsorsuutigineqartut akuerineqarsimasanut naleqqiullugit ersarissarneqarnissaat innersuussutigineqarpoq.*
- *Ilinniakkat siumukarnerat skemanngorlugit takussutissiorneqarnissaat aamma ilinniartitsissutini ECTS-pointit semesterinut arfineq marlunnut pineqartunut agguanneqarnissaat naliliisut innersuussutigaat.*
- *Ilinniakkamut aaqqissuussinerup ersarissarneqarnissaa ilinniakkami suleriaatsit aamma ilinniartitseriaatsit assigiinngitsut sumiissanersut ersersillugit naliliisut aamma innersuussutigaat.*
- *Kiisalu immikkut najoqqutassanut takussutissat nutarterneqarsimasut imaluunniit ilinniakkami qulequttani/ilinniartitsissutini pensummimut ilinniarsimasassamut allattuiffeqartariaqarportaaq.*

Innersuussutit malitsigisaannik inerisaanermik suliaqarnerup ilinniakkamut aaqqissuussineq nutaaq suliarineqarpoq aamma perorsaasutut ilinniarnaq pillugu ilinniagaq pillugu quppersagaq sungiusarlunilu sulineq pillugu quppersagaq suliarineqarlutik.

Tamatuma ilutigisaanik najugaq qimannagu perorsaanermik ilinniarneq pillugu ilinniakkamik aqqissuussineq nutaaq pillugu inerisaaneq aamma naleqqussaaneq PI/SPS-ip aallartippaa.

80. Siuliani naliliinerup innersuussutai (2012) ilinniarfiup ilinniartitsinikkut sammisaanut tamanut allangortitsinermik arlaqartunik kinguneqarsimasoq naliliisut nalilerpaat, ukulu maluginiarneqarput:

Ilinniakkamik aqqissuussinermi ilikkagassatut anguniakkat aamma ilinniartunut piumasaqaatit erseqqissarneqarput aamma semesterini assigiinngitsuni siumukarnikkut qaffasissuseq qaffanneqarluni. Teoriip ilanngunneqarnissaa alaatsinaaneqarpoq perorsaanermilu piginnaaneqarnernut iliuitsinullu eqqarsaatinut pulatinneqarluni.

Bacheloritut ilinniakkami ilisimatusaatinut teoriit ersinnerulersimapput ilaatigut isiginneriaatsit assigiinngitsut atornerisigut aamma ilisimasaq misissorneqartussaq pillugu katersinissamik aamma ilinniarnepur ingerlanerani soraarummeerutissamik allaatigisaqarnermik sungiusarnissamik periarfissaqalerneratigut.

Ilinniakkamik naammassereerneratigut, ilinniartitsissutini qaffasissumik ilinniartut sianissuseqarnissaannik alaatsinaataqarneq annertunerulersimavoq, ilinniartullu taamaalillutik piginnaaneqarnerit pingaaruteqartut pissarsiarisarpaat suliffigilerumaakkaminni isumagisassani piumasarineqartussat naammassisinnaajumallugit.

Qaffasinnerusumik ilinniartitaanerni ilinniartitsisut kandidatitut aamma masteritut ilinniagaqarsimasut kisiisa ilinniartitsisorineqartarput, PI/SPS-illu salliutippaa ilinniartitsisut paarlaateqatigiinnermik periarfissaqarnerat, aamma pikkorissartitsinerni, ataatsimeersuarnerni imaluunniit allatut nutarsarnerni peqataasinnaanerat.

Danmarkimi nunanilu avannarlerneersunik suleqatigisanit ilinniartitsisunik PI/SPS-i paarlaateqatigiinnermik aqqissuussisarpoq piginnaaneqarnernik ineriartortitseqatigiinneq aamma ilinniartitsisutut suleriaaseq, ilinniartitsinermik pilersaaruserneq, ilinniartitseriaatsit, ilikkartitsineq pillugu isumaliutit il.il. eqqarsaatigeqqinnissaannut isumassarseqatigiinnissaq siunertaralugu. Kiisalu ilinniartut peqataatillugit inerisaanermik suliniutit aallartinneqartarput. PI/SPS-imi ilinniartitsisut ataasiakkaat Danmarkimi perorsaanermik bacheloritut ilinniarnerni censoriusarput, taamaaliornikkut ilinniarnepur qaffasissusaat pillugu ilisimasaqatigiinneq pilertarluni.

Suleqatigiinni minnerni imaluunniit tamarnik suleqatigiiffigisaanni inerisaanissaq ilinniartitsisunut piumasaqaataavoq. Aamma qarasaasiakkut iserfissat aamma atortut aqutugalugit pilersinneqarsimapput ataqatigiissillugit aqqissuussat aamma najoqqutassanut, allaatigisanut aamma ilinniartitsinerit ingerlanneqarnissaannut nalunaarsuutit, taakkulu ilinniakkap qaffanneranut tapertaasimallutik.

Perorsaanermik ilinniarfiit, imaluunniit allat qaffasissutsimik ilinniakkanut assingusuni sulineramik ingerlataqartut soraarummeerni censoritut avataaneersut maannakut kisiisa atorneqartarput. Censorinut censoreqatigiinni ilaasortaasunut piumasqaataavoq masteritut imaluunniit kandidatitut ilinniagaqarsimanissaq aamma perorsaasutut inuuniuteqarnermut ilisimasaqarnissaq.

Piffissap ingerlanerani qaffasinnerulersoq censorit avataaneersut ukiuni arlaqartuni soraarummeersitsinernut peqataasarsimasut nalunaarput.

Ilinniakkat ilutsimikkut imarisamikkullu ingerlaavartumik inuiaqatigiit ineriartornerat taperserniarlugu bacheloritut ilinniarnermut aamma najugaq qimannagu perorsaanermik ilinniarnermut ilinniagaq pillugu quppersakkamik inerisaasqaarsimavoq ilisimasanut ineriartornernullu nutaanut piaarnerusumik qisuariartarnissaq siunertaralugu. Eqqortumik aalajangersimasumillu atuinikkut ilinniagaq pillugu quppersagaq ilinniakkap ingerlaavartumik ineriartornissaanut sakkussaavoq pingaartoq. PI/SPS-imi ilinniakkanut pilersaarutit ataatsimik ilisserutissaannik inerisaanissaq isumaliutigineqarsinnaavoq siunertaralugu ilinniakkap tamarmiusup paasiuminartuunissaa assigiaarnissaalu.

Ilinniakkamut aaqqissuussinerit aamma bacheloritut ilinniarneq najugarlu qimannagu perorsaanermik ilinniarneq naammassiniarlugu sulineq ataqatigiissutut ilisimasatigut, pikkorissutsikkut piginnaaneqarnikkullu naatsorsuutigineqartuni ersarissumik oqaasertalerneqarsimasut naliliisut nalilerpaat. Ilinniakkat oqaasertalerneqarneranni siumukarneq ersarippoq, ilinniartullu suleriaatsini ilinniartitseriaatsinilu assigiinngitsuni tapersersorneqarput kajumissisinneqarlutillu.

Ilinniakkamut aaqqissuussineq pillugu ataqatigiissitsilluni aaqqissuussinermik paasiuminartuunissamillu suliap salliutinneqarnissaa naliliisut innersuussutigaa, ilaatigut ilinniartitsisut nutaat ilisimasanut aamma atortussiananut isersinnaanngornissaat kiisalu ilinniakkani qitiusumi aamma immikkoortortaqarfinni ilisimasamik avitseqatigiinneq qulakkeerniarlugu.

TUNNGAVIK 8 – ILINNIARTUT NAAMMAGISIMAARINNINNERAT

81. Imminut naliliinerup erseqqissumik uppersarpaa ilinniartut atugarissaarnissaat ilinniarnermullu pissarsiffiulluartumut pingaarutilittut tunngaviunera PI/SPS-ip salliutikkaa.

Ilinniartut Siunnersuisoqatigiiffiat akulikitsumik ataatsimiittarluni aaqqissuullugaavoq ilinniakkanilu aqutsisunit tapersersorneqarluni, ilinniartullu ilinniarnermi pissutsinut amerlasuunut oqaasissaqaqataanerit ersarippoq.

Ilinniarfimmi periusissanut, ilinniakkat piviusunnngortinnerannut ilinniarfimmilu ulluinnarni pissutsinut pingaarutilinnut ilinniartut peqataatinneqartarput.

Uppernarsaatit pigineqartut tunngavigalugit matumani naliliinermi ilinniarfimmuut tikeraarnermi apeqqarissaarnertigut ilinniartut isumaat itisilerneqarput. Apeqqarissaarnermi ilitersuusiasaq suliarineqareersimasoq danskit oqaasii aamma kalaallit oqaasii atorlugit suliarineqarsimasoq aallaavigalugu apeqqarissaarnerit ingerlanneqarput. Ilinniarfimmi ilinniakkanit amerlanerneersut ilinniartut, nutaat aamma ilinniartut misilittagaqartut oqaloqatigiinnerni peqataapput, pineqarpullu ilinniartutut inuuneq, ilinniartitsineq aamma atortorissaarutit, ilinniakkani suleqatiginneq akisussaaqataanerlu aamma ilinniartitsisunik²³ suleqateqarneq akisussaaqataanerlu.

Ilinniartut, maannakkut Ilulissani ilinniartuusut, pingaarnertut taavaat annertuumik naammagisimaarinnillutik taallugillu pingaaruteqartut soorlu ilitersuisarneq, inooqataanikkut taperserneqartarneq, inooqataanikkut aaqqissuussinerit, atortorissaarutit, ilinniartitsinermut sunniuteqarneq aamma ilinniartitsisunut atassuteqarluarneq.

PI/SPS Ilulissaniittoq ilinniartoqarfiusoq angisuutut, toqqissiartuaarnermi taperserneqarnissaq pisariaqartutut aamma ikiortissaqartuaannartutut ilinniartut nutaat taavaat. Amigaatigaat aalajangersimanerusumik ilinniagaqarnermik ingerlatsisinnaanermut aamma sammivimmut eqqortumut ingerlanerlutik annertunngikkaluartumik paasitinneqassallutik. Aamma amigaatigaat siumut ingerlanermi ilinniagaq pillugu quppersakkap iluaqutigisinaaneranik siusissukkut ilisarititsisarnissaq. Ilinniartut angajullit tamanna ilikkarsimavaat – ilinniagaq pillugu quppersagaq namminneq “biibilimittut” isigalugu oqaatigaat. Aammalu ilinniartut ukioq ilinniakkamik aallarniiffik apeqqutaatinnagu oqaatigaat ilinniartut immikkoortinneqaratik peqatigiittarnerat ilinniartutut inuunermut mikinngitsumik nukittorsaataasartoq.

Ilinniakkamik, ilinniartitsinermik aamma ilinniartitsisunik pisortanillu peqateqarnermik, ilitersuisarnermik tapersersuisarnermillu ilinniarnep nalaanni aamma atortorissaarutit periarfissallu tunniunneqartut ilinniartut pingaartutigut naammagisimaaraat naliliisut nalilerpaat.

Ilinniagaqarnissamut piginnaaneqarnerup annertunerusumik ineriartortinneqarnissaanut PI/SPS-ip alaatsinaataqarnissaa aamma ilinniakkap aallartinnerani ingerlaneq pillugu malugisanik ilinniartunut utertitsisarnissaa naliliisut innersuussutigaa.

INERNILINERIT INNERSUUSSUTILLU

²³ European Standards & Guidelines 1.3 Student Centered Learning, 1.4 Student Admission, Progression, 1.6 Learning Resources and Student Support.

82. PI/SPS-imi ilinniakkanut tunngasut suliakkiissut tunngavigalugu naliliisut suliarfik pingaarnertigut allaaserivaat.

PI/SPS-imi ilinniakkanik naliliineq ilinniakkat pitsaassusaat pingaarnertut alaatsinaataralugu naliliisut piviusunngortippaat. Naliliineq ingerlanneqarpoq europæiske Standards & Guidelines 2015-imeersut tulluartaugaangata naapertorlugit.

PI/SPS-ip ilinniakkanik tamanik ingerlatsineranut eqqarsaatit arlaqartut pitsaassutsimut aamma pitsaassutsimik inerisaanermut pingaaruteqartut naliliisut nalunaarusiami matumani saqqummiuppaat .

Paasissutissat uppersaatissatut pissarsiarineqarsinnaasut kiisalu apeqqarissaarnerit ilinniarfimmut tikeraarnermi ingerlanneqarsimasut tunngavigalugit naliliisut immikkoortunik ataasiakkaanik naliliinerit ingerlassimavaat, naggasiinertullu ineriniliinerit tamarmiusut kiisalu suleriaqqinnissamut innersuussutit arlaqartut saqqummiullugit.

Ilinniakkat ilinniakkanut aaqquissuussinerni ilinniakkallu pillugit quppersakkani allaatigineqarneri aamma imminut nalilernermi, uppersaasiarnermi, itisiliilluni akissuteqaateqarnermi apeqqarissaarnernilu kiisalu ilinniarfimmut tikeraarnermi saqqummiunneqartut naammaginartuusut naliliisut inerniliipput.

Nunatsinni inuiaqatigiinni sammisanut, ilinniakkamik naammassinnissimasut suliffigiligassaannut, ilinniakkat tulluartaupput. Taamaalillutik perorsaanerup isumaginninnerullu iluani qaffasissutsini tamani suliffeqarfiit pisariaqartitaannut naleqquttuupput.

Ilinniarfimmi immikkoortortaqaqarfinnilu nunatsinniittuni illoqarfinnut assigiinningsunut kulturikkut, ilinniarfitaanikkut ileqqutigullu assigiinningsunik tunuliaqutaqartuni ilinniakkat ingerlanneqartarput, tamannalu PI/SPS-ip iluatsittumik naammassisimavaa. Pisortat aamma sulisut pisinnaasartik naapertorlugu sulipput tamannalu uniffigiinnarnagu suli pitsaanagerusumik suliaqarlutik. Pikkorissaqqinnernik ilinniakkanillu assigiinningsunik qaffasissuseqartunik annertuumik pisariaqartitsiffiusut ilinniakkat isumagisaraat, tassanilu perorsaasutut ilinniarneq qaffasinnertut inissisimalluni.

Ilisimasatigut, pikkorissutsikkut piginnaaneqarnikkullu anguniakkat ilinniakkanut aaqquissuussinermi pitsaasumik allaatigineqarput pitsaassusernermut malitassat atuuttut aallaavigalugit, aamma ilinniakkamik naammassisaqarsimasunut ilisimassallugit piginnaaneqarfigissallugillu pingaaruteqartunut atassuserneqarluarlutik.

Ilinniakkat piffissaq siviisunerusoq atorlugu ilinniarneqartartut pilersaarusiornerat piviusunngortinnerallu ilinniakkanut aaqquissuussinerni, ilinniakkat pillugit quppersakkani aamma

sungiusarluni sulineq pillugu quppersakkani naammaginatunimik allaatigineqarsimapput. Ilinniakkani ilinniarnermilu sammineqartartuni teoriip sulinerullu ataqatigiinnerat annertuumik alaatsinaanneqarpoq, tamannalu atorfinissutaasinnaasumik ilinniartitsinerni aamma inuussutissarsiutinik ilinniartitsinerni ilisarnaataalluni.

Ilinniakkat aqputigalugit aamma ilisimasanik eqiterivittut pikkorissartitsinertigut aamma pikkorissaqqinnertigut ilinniaqqinnertigullu atuisut aamma atorfinitsitsisartut oqaloqatiginerisigut suleqatiginerisigullu nunatsinni inuiaqatigiit ineriartornerannut PI/SPS-i tapersiisarpoq, pingaartumillu perorsaasut suliaata iluaniittunut.

Ilinniakkani ilisimasat tunngaviusut naammaginarput inuiaqatigiillu ineriartornerat ilisimasallu nutaat ilinniakkanut pingaaruteqartut saqqummiunneqarnerat ilutigalugu annertusarneqarlutik.

Ilinniartitsisut piginnaaneqarnerannik inerisaanerit, avataani ilinniarfimmilu ilinniaqqinnertigut, pingaaruteqartut ilanngunneqassaaq, taamatullu ilanngunneqassallutik ilisimasanik aallerfissanik, ilisimasanik avitseqatigiinnermi IT-mi atortunik, atuagaateqarfimmik aamma illutatigut isumalluutinik, nunat assingitsut akornanni suleqatigiinnernik aamma ilisimatusarnermik ingerlatsillutik avatangiiseqartunut attaveqarnermik inerisaanerit.

Ilinniarfiup iluani pitsaassutsimik qulakkeerinninnissaq aamma ilinniarfiup ulluinnarni ineriartornera aamma ilinniakkanik suliaqarneq PI/SPS-imi pingaaruteqartut alaatsinaanneqarpoq. Pitsaassutsimik qulakkeerinninneq atituumik paasineqarluni ilinniakkat tulluurtuunissaat, ilinniartut pikkorissartullu ilinniakkaminnik naammassinnittarnissaat aamma ilinniagaqarsimasut nunatsinni suliffeqarnermut tulluurtuunissaat pingaarnertut siunertarneqarput.

Pisortat suliffeqarfiattut PI/SPS-i ilisimasanik eqiteriffiuvoq tamanullu ammasumik atortorissaarutit, ilinniakkat aamma pikkorissartitsinerit ilinniarfiup nittartagaatigut <http://pi.sps.gl> ilisimatitsissutigisarlugit.

Ilinniarfiit allat ilinniakkanik assingusunik ingerlataqartut inuussutissarsiutinik ilinniartitsinermik ingerlataqartut PI/SPS-ip atituumik suleqatigivai, perorsaasutullu bacheloritut ilinniarneq pillugu naalagaaffeqatigiinnermi Danmark aamma Savalimmiut aammallu nunat assigiinnitsut akornanni Island aamma nunat avannarliit sinneri suleqatigineqarlutik.

Perorsaasutut ilinniarneq pillugu naliliinermi (2012) siornatigut ingerlanneqartumi innersuussutit tunngavigalugit PI/SPS-ip inerisaanerit arlaqartut piviusunngortippai. Tamakku ilinniarfiup ilinniakkanik ingerlataanut arlaqartunut allannguinerik kinguneqarput.

Ilinniartut ilinniagartik, ilinniartitsineq aamma ilinniartitsisunik pisortanillu peqateqarnek, ilinniakkamik ingerlataqarnerminni ilitsersuisarneq tapersiisarnerlu, atortorissaarutit aamma periarfissat neqeroorutigineqartartut pingaartutigut naammagisimaarpaat. Avataaneersut misissuineri naapertorlugit nunatsinni ilinniakkani ilinniartut agguaqatigiissineqarnerannit PI/SPS-imi ilinniartut qaffasinnerullutik inissisimapput.

83. Ilinniarfiup atuuffiata iluini tamarmiusumi pitsaassutsimik qulakkeerinninnermik suliap ingerlateqqinnissaanut naliliisimanerit tunngavigalugit naliliisut ataani PI/SPS- imut innersuussuteqarput.

European Standards & Guidelines naliliinermi aallaavigineqarput, taakkunanilu tunngaviit iluanni innersuussutit suliarineqarlutik:

Tunngavik 1

Pineqartuni aamma ilinniarfiup periarfissaata iluani piffinni nunallu immikkoortuini atuisut aamma atorfinitsitsisartut peqatigalugit piffinni piginnaaneqarnerup ineriartortinnissaa tunaartaralugu suliniutinik PI/SPS-ip tapersiinissaa naliliisut innersuussutigaat.

Tunngavik 2

Nunatsinni ilinniarfinnut allanut suleqatigiinnerup nalinginnaasup ineriartoqqinnissaa, pingaartumillu ilinniartitaanerit sivisunerusut pillugit PI/SPS-ip, Iisimatusarfiup aamma nunat assigiinngitsut akornanni/nunani avannarlerni ilinniarfinnik assingusunik suleqateqarnerup annertusarnissaa naliliisut innersuuppaat.

Ilinniagassani ataasiakkaanut qulequttanullu atatillugu ilinniartut ilinniarnerminni namminnerlu inerisaallutik suliaqarnerminni sulitapersorsorneqartarnissaat naliliisut innersuutigaat.

Tunngavik 5

Ilinniartitaanermi sulianut tamanut pitsaassutsimik qulakkeerinninnermut inerisaanermullu pingaarnerusunik malittarisassanik suliaqartoqassasoq aalajangersaasoqassasoq naliliisut innersuussipput.

Pitsaassutsimik qulakkeerinninneq inerisaanerlu pillugit suliaqartussat aamma akisussaasussat paatsoorneqarsinnaanngitsumik ilinniarfimmi aaqqissuussinermi aamma pisortani inissinneqassasoq naliliisut innersuussipput.

Tunngavik 6

Ilinniarfimmi sammineqartartut tamaasa pillugit attaveqatigiittarnikkut pitsanngorsaasoqassasoq ilinniartunngorsinnaasunut suleqatigisanullu ersarinnerulernissaq siunertaralugu naliliisut innersuussuteqarput. Ilinniartussarsiorneq pikkorissartussanillu pissarsiorneq nittartakkap

pingaarnertut siunertaraa, ilinniarfimmilu ilinniartutut inuuneq taamatut sulii erseqqissaqqinneqarsinnaavoq.

Tunngavik 7

Ilinniakkamut aqqissuussineq pillugu ataqatigiissitsilluni aqqissuussinermik paasiuminartuunissamillu suliap alluitinneqarnissaa, ilaatigut ilinniartitsisut nutaat ilisimasanut aamma atortussianut isersinnaannornissaat kiisalu ilinniakkani qitiusumi aamma immikkoortortaqaqfinni ilisimasanik avitseqatigiinneq qulakkeerniarlugu, naliliisut innersuussutigaat.

Tunngavik 8

Ilinniagaqarnissamut piginnaaneqarnerup ineriartortinneqarnissaanut PI/SPS-ip annertunerusumik alaatsinaataqarnissaa kiisalu ilinniakkap aallartinnerani ingerlaneq pillugu malugisanik ilinniartunut utertitsisarnissaa naliliisut innersuussutigaat.

TAPILIUSSAQ 1 PI/SPS-IP NAMMINEERLUNI ARAJUTSINAVEERSAAGAI

Imminut nalilernerup suliarinerata kingunerisaanik inerisaaffigineqartussat arlaqartut PI/SPS-ip nammineq saqqummiuppai, taakkunani ilinniakkani pitsaassutsimik qulakkeerinninnissaq aqqissuussaanutsumik suliarineqarsinnaavoq – qaffasinnerusumik ilinniartitaanernut tunngatillugu nunat assigiinngitsut akornanni pitsaassusermut malittarisassat aallaavigalugit.

Ilinniarfiup tassanilu ilinniakkat ineriartoqqinnissaannut suliaasaqarfiit attuumassuteqartut PI/SPS-ip tulliani nalilerpai. Ataani suliaasaqarfiit ataatsimut pingaarnersiornagilli sammineqarput.

Tunngavik 1

- Ilinniakkap suliffeqarfiillu pisariaqartitaasa ataqatigiinnissaannik suliaqaqqinnissaq.
- Ilinniartut ilinniakkaminnik naammassinnissimasut ukiumit ataatsimit ukiut marluk suliffeqarfinneereersunut attaveqartarnissamik pilersitsinissaq PI/SPS-imi ilinniakkat atorfigisamit isigalugit tulluurtuunersut tusarniarlugu.
- PI/SPS-imi pikkorissatitsinerit aamma ilinniakkat nittartakkami paasiuminartuunissaat erseqqarissuunissaallu anguniarlugu iluarsaaqqinneq ingerlanneqarpoq. Kiisalu annertunerusumik paasissutissiineq, attaveqatigiinneq aamma qarasaasiakkut inuit attaveqatigiittarfiini nutaarsiassaqaqtitsisarneq suliarineqarpoq.

Tunngavik 2

- Ilisimasaniq avitseqatigiittarnerup, attavigineqarsinnaanerup aamma suleqatinik siunersiuqatigiissinnaanermik periarfissaqarnissap ineriartorteqqinnissaa ataqatigiissillugu aqqissuunnissaa.
- Nunat assigiinngitsut akornanni suleqatigiinnerup suli alaatsinaanneqarnissaa. Perorsaasutut ilinniarnermi, ilisimatusarnermi aamma inerisaanermi Danmarkimi University College-imik suleqateqarnerup saniatigut Ilisimatusarfimmik aamma/imaluunniit UArctic-imik ilinniartitsissutinik ataatsimoorussaqaqarnermik pilersitsinissaq PI/SPS-ip kissaatigaa, tamatumalu piginnaaneqarneq qaffatsissavaa aamma ilisimasat issittumi/nunatsinni uninngaannarnissaat tapersissallugu perorsaanermik ilinniakkat iluaquserlugit.

Tungavik 4

- Ilinniakkamut aqqissuussinermik naleqqussaaneq, tak. qaffasinnerusumik ilinniartitaanerit pillugit inatsit nutaaq, ilinniaqatigiit nutaat august 2020-mi aallartinnissaannut piareersimassaaq. Taassuma kingorna najugaq qimannagu perorsaanermik ilinniarneq sammineqassaaq, ilinniakkamullu aqqissuussineq nutaaq ilinniaqatigiit nutaat august 2021-mi aallartinneqarsinnaanissaannut piareersimassalluni.
- Perorsaanikkut ataatsimut tungavissaq oqaasertalerneqareerpoq, piviusunngortitsinermullu suliniutissat tapersiisussat aamma oqaasertalerneqareerlutik.
- Ilinniakkamik ingerlatsinerit akornanni iluannilu siumukarneq pillugu suleqatigiiaarluni sulinerup ineriartortinneqarnissaanut – ilanngullugit atuakkanik tungaviusunik najoqqutassat allattuiffiit, najoqqutassat innersuussutigineqartut aamma qaffasinnerusumik ilinniartitaanernik ingerlatsinermi najoqqutassanik tamanik atuinermik ataqatigiissilluni aqqissuussineq.
- Ilinniartut ilinniaannarnissaat alaatsinaataralugu ilinniarneq pillugu ilitsersuisarnerup ineriartorteqqinnissaa.

Tungavik 5

- Matumani imminut nalilerneq pillugu nalunaarusiorneq, periaaseq, uppersaatinik katersineq aamma ataatsimut allaatiginnineq pillugu suliaqarnermi misilittakkanik ilanngutaqarneq, aamma siunissami imminut nililernermik suliaqarnissamut ilikkakkanik ilanngussaqaqarnissaaq.
- Ilinniakkani pitsaassutsimik qulakkeerinninnermi ataqatigiissitsilluni aqqissuussineq aamma peqataasut ilinniartullu pikkorissarnerit, ilinniakkani teorii aamma sungiusarluni sulinermi utertitsissutigineqartunik suliaqqiineq kiisalu ukiumoortumik ilinniartut atugarissaarnerat pillugu misissuinerit erseqqissaaffigisassaat.

TAPILIUSSAQ 2 SIULERSUISUT TAKORLUGAAT 2020

Siunissaq ilusilersorparput

PI/SPS-i nunatsinni perorsaanermik ilinniarfiuvoq, ilinniakkat pikkorissartitsinerillu ingerlataralugit, isumaginninnerullu iluani ilinniagassanik qaffassaaqataasunik neqerooruteqartarluni. Nunatsinni inuiaqatigiit pisariaqartitaannit kiisalu Naalagaaffiit Peqatigiit Nunarsuarmi Anguniagaannit 17-init, Meeqqat Pisinnaatitaaffii pillugit Naalagaaffiit Peqatigiit Isumaqatigiissutaannit aamma Inuit Innarluutillit Pisinnaatitaaffii pillugit Naalagaaffiit Peqatigiit Isumaqatigiissutaannit sulinerput aallaaveqarpoq. Meeqqanut, inuusuttunut, inersimasunut aamma utoqqarnut perorsaanikkut ilinniartitsissutitigut neqeroorutigineqartartunut piginnaaneqarneq pillugu akisussaaffeqarpugut, alaatsinaataraarpullu inuup ataatsip pisariaqartitai aamma inuttut ineriartornissaa.

Inuup ataatsip aamma ataatsimoorfiusartut inuup ataatsip peqataaffigisartagaasa nukittorsarneqarnissaat PI/SPS-ip ilungersuutaraa.

- Innuttaasut tamarmik ineriartornissaannut atugarissaarnissaannullu tunngavissatut perorsaanikkut ilinniartitsissutitigut inuiaqatigiinni piginnaaneqarnerup pingaaruteqarnera alaatsinaatarissavarput.
- Perorsaanermik suliaqarnermi “inuup tamarmiusup” inunnullu allanut atassuteqartarnerata isiginiarneqartarnissaa tunngavigalugu sulivugut.
- Ilinniarfiujumavugut iluarineqartoq aamma piumaneqartoq, isumalluuteqarnikkut eqiteruffiusoq ilinniartitsissutitigullu qajannaatsumik tunngaveqartoq, aamma isumaginnikkut perorsaanikkullu ilinniakkat iluanni siumukarnermik qulakkeerinnittartoq.

Ilinniakkat & ilinniarnermi avatangiisit

Nunatsinni inuiaqatigiit ineriartornerannut tapersiinissaq PI/SPS-imi ilinniartitsinermik pilersaarusionermi nukissaqarfivoq.

- Pilersikkumavagut ilinniarnermut sinaakktissat nutaaliaasut inuiaqatigiinnilu pisariaqartinneqartut, ineriartortikkusullugillu sulisut piginnaaneqartut pimoorussisullu maligassiuusutullu ilinniartut ilinniartitsissutitigut piginnaaneqarnerannik aamma atassuteqarfissanik pilersitsinissamik pikkoriffeqarnerannik nukittorsaanissaminnut tapersiinnaasut.
- Ilinniarnermut sinaakktissat ineriartorteqqikkumavagut ilinniakkanik aamma pikkorissartitsinernik pilersaarusionermi ataatsimut isiginninnikkut kiisalu inummik ataatsimik iginninnikkut.
- Ilinniartut pingartitaat, isiginneriaasii aamma perorsaanikkut piginnaaneqarneri ineriartortikkumavagut sungiusarluni sulinnikkut aamma suliffeqarfinnik allanik paarlaateqatigiinnikkut.

- Ilinniartut iliuutsimik tunuliaqutaat pillugit inuttut sianissuseqartutut²⁴ ineriartornissaat pitsaanerpaamik periarfissaqartikkusupparput, imminnut apeqquserlutik eqqarsarsinnaassuseqarlutik iliuuseqarsinnaassuseqarlutillu inuiaqatigiinni innuttaasunik perorsaanikkut sullissinerup aamma perorsaasutut inuussutissarsiuteqarnerup inerisarnissaata tungaatigut.

²⁴ Iliuutsit tunuliaqutaat pillugit inuttut sianissuseqarneq tassaavoq inummi pisartut inuttut inuunermut tungaviusut – aamma ataatsimut iliuuseqarsinnaanermut tungaviusut. (<https://www.vaeredygtighed.org/vaeredygtighed/>) 7/11-2019.

Suleqatigiinneq

PI/SPS-ip iluani avataanilu suleqatigiinnermi piumassuseqartitsivoq ilinniakkani teoriinik sungiusarlunilu sulinermi siumukarnissamik qulakkeerinninnissaq, kiisalu isumaginninnerup perorsaanerullu iluaniittut suliffiit ilinniakkallu neqeroorutigineqartut ineriartorteqqinneqarnissaat.

- Ilinniartut teoriinik ilisimasaniq sulinermut nuutsisinaanissaata pitsaanerpaamik periarfissinneqarnissaa ingerlatsiviit aamma ulloq unnuarlu suliffeqarfiit sungiusarluni sulinermi aamma ilinniartitsinermi qanimut suleqatiginerisigut qulakkeerniarparput.
- Suleqatigisat avataaneersut oqaloqatigerusuppagut isumaginninnermi aamma perorsaanermi ilisimasaqarfiup ineriartortinneqarnissaa pillugu.
- Ilinniarfiit allat nunatsinniittut nunattalu avataaniittut suleqatigalugit ilinniartut pitsaanerpaanik atugaqarlutik piginnaaneqarnerisa ineriartorteqqinnissaat aamma ilinniaqqittarnissaat qulakkeerniarparput.
- NGO-t aamma sulisut kattuffii suleqatigissavagut ilinniartut pimoorussinissamik kajumissuseqalersinniarlugit siunissami isumaginninnermi aamma perorsaanermi suliffiit ineriartornissaannut sunneeqataanissamut.

Isumalluuteqarnikkut eqiteruffik

Ilisimasaniq, pikkorissuseqarnermik piginnaaneqarnermillu katersineq nukissaqarfiuvoq isumaginninnerup perorsaanerullu iluani ilinniartitsissutit iluanni siunersiueqatigiinnissamik isumassarsinissamillu periarfissiilluni.

- Inerisaanermut aamma ilisimatusarnermut taperseerusuppugut alaatsinaallugu ilisimasaniq nunatsinnut inissiinissaq.
- Alaatsinaatarissavarput perorsaanikkut ilinniagassatigut piginnaaneqarluarnerup naleqarnera pingaaruteqarneralu, aamma isumaginninnerup iluani oqallinnermi peqataaniarpugut.
- Isumaginninnerup iluani ilinniakkat ineriartorteqqinniarpagut aamma suliaasaqarfiit akimorlugit isumaginninnerup iluani suleriartarnerit.
- Qarasaasiakkut ilinniarnissamut sinaakktissat neqeroorutigusuppagut illoqarfinni aamma nunaqarfinni inuit najugaqartut taamaalillutik namminneq isumaginninnikkut isumalluutigisamik ineriartortinnissaannut periarfissaqalissammata.

NALILIISUT

Tyge Skovgaard Christensen MPM, MSc., BA

Tyge Skovgaard Christensen Senior Advisor-iuvoq, Associated professor aamma siornatigut University College Vest, Danmark-imi rektoriulluni. Ilinniagarai: Flight-controller, ilinniartitsisoq, mpm, msc., ba.

Sakkutuuni Timmisartortartuni sulereerami atuarfimmi ilinniartitsisutut sulivoq (1973-1982), ilinniartitsisunngorniarfimmi lektoritut (1982-1991), Ribe Statsseminarium-imi rektoritut (1991-2001) aamma University College Vest-imi rektoriulluni (2001-2011).

Tyge Skovgaard Christensen naalagaaffimmi, nunani avannarlerni aamma Europami komiteni aamma siunnersuisoqatigiinni ilinniartitaaneq, ilinniartitsineq, ilinniartitaaneq pillugu ilisimatusarneq, nunap immikkoortuini ineriartortitsineq aamma qaffasinnerusumik ilinniartitaanerni nunat assigiinngitsut akornannut nalimmassarneq pillugu ilaasortaasarsimavoq siulittaasuusarsimallunilu

Joan Pauli Joensen, dr.phil.

Joan Pauli Joensen professor emeritus-iuvoq aamma adjungeret professoriulluni Savalimmiuni Universitetimi aamma siornatigut universitetimi rektoriuvoq. Ilinniagaraa antropologi, Kulturi pillugu oqaluttuarisaaneq aamma oqaluttuarisaaneq.

Rektoritut universitetimi ilaatigut ilinniakkanik tamanik pingaarnerusutigut pilersaarusiornermik suliaqarsimavoq aamma universitetimi ilinniakkat tunngaviusunit ilisimatuutut ilinniarnermut ilinniartitsinerup nalilerneqarnerani ataatsimiititaliamut siulittaasuusimalluni. Ilaatigut Ilisimatusarfimmi censoriuvoq atuakkallu arlallit allaatigisallu ilisimatusarnermut tunngassuteqartut saqqummersissimallugit. Nunat assigiinngitsut akornanni immikkut ilisimasalittut ilinniartitaanermut, ilinniartitsinermut, ilinniartitaanermi ilisimatusarnermut aamma nunat assigiinngitsut akornannut nalimmassarneq pillugu siunnersuinermut ukiuni arlalinni peqataasarsimavoq.

Anne Birgitte Hermansen, MPM og BSocEdu

Anne Birgitte Hermansen ilinniakkanik ingerlatsivimmut perorsaasunngorniarnermut pisortaavoq UC SYD Campus Esbjergimi aamma pisortaalluni tassani pædagogisk assistentitut ilinniarnermi. Ilinniagarai: MPM pædagogikkimik aqutsinermik, Bach.soc. pæd. nalinginnaasumi pædagogikkimi perorsaasutut ilinniagaqarsimavortaaq.

Sulinini 1978-imi perorsaasuulluni aallarnerpaa, ukiunilu 20-ni atuarfinni ulluunerani paaqqinnittarfinnilu assigiinngitsuni sulilluni, ilanngullugu paaqqinnittarfinni aamma immikkoortortaarfimmi pisortaalluni. Pædagogikkimi psykologiimik, pædagogikkimik aqutsinermik suliffeqarfimmilu sulianut siunnersortaalluni. Anne Birgitte Hermansen perorsaasunngorniarfimmi pædagogikkimi ilinniartitsisut misilittagaqarpoq, nunat assigiinngitsut akornanni perorsaasutut ilinniarnermut ataqatigiissaarisuulluni aamma sungiusarluni sulinermut akisussaasuusimalluni. Danmarkimi perorsaasunngorniarnermut censoreqatigiinnut ilaasortaavoq ilinniartitsissummi pædagogikkimi.

Else Marie Ravnhøj Johansen, immikkoortoqarfimmi pisortaq aamma perorsaasoq

*Coronamik nappaalaneq pissutigalugu suliat allanngortinneqarnerat pissutaalluni naliliisuni peqataajunnaarpoq maj 2020-mi

Else Marie Ravnshøj Johansen Avannaata Kommuniani immikkoortortaqarfimmi pisortaavoq perorsaasutullu Odense Socialpædagogiske Seminarium-imi (1981) Danmarkimi ilinniarsimalluni. Atuartut angerlarsimaffianni Ringstedimi (1981) perorsaasutut atorfeqarnini aallarnerpaa. Taassuma kingorna meeqqerivinni Ilulissani pisortamut tulliulluni pisortatut atorfeqarpoq (1982-98). Kommunimi perorsaanermi siunnersortaavoq (1998-2009) ullumikkullu ulluunerani neqeroorutinut immikkoortortaqarfimmi pisortaavoq Avannaata Kommuniani (2009-).